

齊
嶠
館
詩
亭

海秋大兄
副本廷瑞署檢



拳峯館詩卷中

壬寅

壬寅

上元

許宗衡

海秋

江行雜詩

一笑大江橫。寒潮鳥咽聲。榜人猶說鬼。我輩忍談兵。殘
卒刀邊夢。荒笳劫後城。倚蓬長太息。天塹不須爭。
涼雨驚孤雁。風潮入海門。昨聞番舶去。曾說戍兵屯。天
遠秋如夢。心雄劍欲言。中流空擊楫。何處弔冤魂。
不見將軍壘。危磯隱日黃。老漁忘險浪。殘佛卧清霜。山
寺荒林外。人家劫火旁。江關蕭瑟感。差幸免流亡。
風旗閃燈火。賊退吏當關。鹵簿今猶在。商船去未還。漏
卮三月水。殘壘六朝山。未必增詩稅。高吟撫劍鏐。

臘月初九日守風燕子磯侵曉偕西澗登磯頭亭

子看江

大江滾滾寒潮白。振衣一覽立危石。鬼奴得寶踏歌去。
礮火燒殘千仞壁。我家坦腹王右軍。與我慘慘看同雲。
鴉聲破曉黑。離樹逆風東。去千百羣。是時風大欲成雪。
濤飛不見橫江鐵。旁有一僧太息言。為言六月旌旗列。
旌旗雖好非官兵。夷船已泊金陵城。制府城中聽不見。
此間鬼笑人哭聲。白鬼尊嚴黑鬼醜。真鬼得利假鬼走。
新鬼未從故鬼言。誰奠生前京口酒。請看山背炊烟稀。
人家兵後多朝饑。老嫗偃僂鬼亦棄。少者遠離今未歸。
亦有矯矯丈夫子。屢為鬼役貌不肥。悲哉言罷菩薩聞。

諸天黯淡愁羶葷。我觀沿山佛倒地。佛面刀痕疑有淚。
想見鬼大蹲佛頭。析薪炙肉聲啾啾。萬劫不壞金剛軀。
誰知破碎無一邱。荒烟沉樹埋佛樓。便欲再登僧苦留。
猶有劫火不到處。蘆花吹起波間鷗。

憫雁有序。

舟泊江岸拉西澗。棄舟迤邐入小市。值弋者獲一
雁未死也。西澗購以青銅百六十。而市兒以二
百奪之。人之好善誰不如我。乃與西澗斂步退
行數武。回視風毛雨血雁死矣。悲哉雁也。入弋
者手必死。願不死為予與西澗見必不死。竟死
悲哉雁也。非予與西澗死之而不啻其死之也。

市兒休矣予與西澗烏得無罪因自訟焉作憫

雁壬寅十二月初十日舟中序

銜蘆思捍網子見尸今日復如何終為稻梁死非徒矰繳
多人心無惻隱我輩况蹉跎為語隨陽者江南莫漫過

歎雉有序○

離為雉象文明也然遇不遇分焉西澗既偕予
來揚州越三日往海陵省友友貽以雉籠而歸
復貽予飼之肉未馴也數日啟籠出與雞為羣
粥粥無異焉夫雉豈無異但能飲啄之而雉無
異矣嗟乎何不翔於野何不獻於朝困五彩於
樊籠失山梁之逍遙慨微生之足戀安雞羣於

暮朝抑予聞士相見贊用雉為其性耿介被獲
必曲折其頸而死而今若此是可歎矣作歎雉

壬寅十二月二十一日序

人世工媒翳如何本性迷文章羞鳳采風雨感雞栖不
死因人飽能飛詎爾羈由來貪飲啄耿介那須提

薄暮甘露寺看江即送西澗還白門

日落江寒雁影偏登臨人立劫灰前風烟浩浩收兵氣
城郭陰陰逼舊年古佛定知興廢事遊踪肯負別離天
明朝君向金陵去不用人間上水船君由句曲歸

京口客夜與西澗話別

醉中十日住揚州臘尾匆匆未可留今夜光陰珍一刻

此間烽火隔三秋。樓船如夢將軍在。僕馬無情客子愁。
門外大江殘月色。照人嗚咽水東流。
石頭城下挂帆時。冒雨衝風任所之。骨月團圞兵後樂。
江山跌宕夢中詩。寶刀滾雪誰堪贈。凍酒生波醉亦奇。
太息茱萸灣畔路。與君來往少人知。
依舊人間鐵甕城。重來旆影颺風輕。好山入夜寒無色。
新鬼聞笳哭有聲。歲暮更誰知別苦。燈殘笑我報詩成。
海門東去天如洗。分手明朝曉日生。
傷離感事兼憂世。都在殘更漏點中。倚劍光爭江月白。
開門山隱塔燈紅。閒心收拾今年劫。狂態支持我輩窮。
轉眼相逢應一笑。雪泥踪跡記飛鴻。

寄夢湘湖南

癸卯

雲水瀟湘曲。相思忽黯然。與君常異地。感我又今年。兵
後貧真樂。詩餘坐亦禪。何時同一醉。檣酒寄無船。

還珠詩為厲茶心同勳太守文作

豪士重尺璧。至信除兼金。驪龍眠深淵。探者領下尋。得
之那足寶。棄擲廉吏欽。太守在海嶠。方言珠可沉。爾珠
何為還。罔識鮫人心。昔聞漢孟嘗。我我龍堂深。蚌光作
返照。遺事傳至今。千七百年後。再見如重臨。事奇理無
譌。翕然成謳吟。君子詎好名。德重民難任。此珠如稊米。
此海如蹄涔。倘因照乘輝。飛翔光上林。大官覆翼多。普
作隨車霖。惜哉負懷瑾。汝謗雖未侵。終歎滄海遺。何由

慰蒼黔歸囊無一珠空對鶴與琴泣下漁人歌精白留
官箴我詩雖瓦礫因之多清音

題茶心丈七世讀書堂圖

君子澤五世七世讀書難喬木春風老旁人着眼看知
君多隱德顧我發長歎剩有青檀在飄零尚耐寒

兒時瞻俎豆

四齡時隨母過祠下看牡丹

一夢醒春花三十年前事

披圖亦可嗟讀書將老大流浪尚天涯轉媿尋鴻爪番

番過白沙

十年來屢過真州

寒蟬吟

鳳窺丹穴龍睒泉珊瑚瑶草生自天一身墮地三十年
非龍非鳳吟寒蟬寒蟬吟聲太苦棲風吸露復何語夢

中老蝶一春花愁外新鶯三月雨寒蟬之吟同淒涼鴉
弦有淚彈清商大羅天上歌霓裳迢迢銀漢圍紅墻海
風吹得青鸞翔上有仙人悲滄桑蓬萊清淺等閒事人
間笙笛空低昂寒蟬吟不自惜秋樹蕭蕭可憐色曉天
殘月夢邊白一聲兩聲蟲和壁寒蟬之吟如太息

主客行寄雨嵐偉君

主人舉一觴勸客歌且舞腰間寶劍光閃爍動眉宇客
聞主人歌泣下當奈何今宵明月多且倒金叵羅吁嗟
乎大兒孔文舉小兒楊德祖寒烟墮地酒如雨此時一
醉更何語君不見江南江北別離苦我向何人賦鸚鵡
長句寄伯符金陵兼示雨嵐

差我大扁聲喧雷高帆無語橫空來燕子磯頭好風色
亂山一束青如堆何時便過長千里秦淮樓閣參差起
殘綠陰陰楊柳橋落紅隱隱芙蓉水卸裝幾日金陵城
江山如夢翻多情去年繞郭旌旗色此日垂簾簫鼓聲
我昔遊踪不可說聯臂踏歌亦狂絕瑤林玉樹舊朋傳
鸞飄鳳泊新離別就中王郎其猶龍風雷鬱勃空山中
與我睽隔不長見見君問我憂心忡我住揚州十年久
落拓無家猶有母負米深慙百里遊著書空享千金帚
白門山好嗟難歸年年扣塞心橫飛壯士手有鐵如意
貧女夢無金縷衣王郎欵寄人君亦出風塵致書我即
曹邱生應知握手交非輕王郎才無雙同調我心降審

音君即蔡中郎肯嗤焦尾聲多商吁嗟乎青天白日吟
詩苦風瀟雨晦聞雞舞奇氣居鄉馬少游雄談今世陳
同甫飢來猶懷濟物心醉餘頗露憂時語我輩鴻軒兼
鳳舉不異攀嵇復交呂君不見鍾山我我轟天碧青溪
曲曲盪雲白今年誰作釣鰲客文場十萬魚龍集安得
酒船相追陪酒酣拔劍歌莫哀明年走馬黃金臺春風
浩浩龍門開

寄懷兩嵐

容易秋風感鬢絲匆匆同過少年時定知憶我還成夢
頗媿逢君未得詩客冬白門宴飲無詩書史縱橫愁廢棄鳳鸞飄
泊費支持翻憐昨歲秦淮月幻影無端照酒卮客冬飲秦淮酒

樓事

青蒼入夢六朝山。明月留人未肯還。孤鶴依梅春已過。
浮雲出岫影仍閒。比年鹽米都能計。舊日詩哥半可刪。
太息俗塵偏汚我。幾時相見一開顏。

斷齋畫粥憶當年

與兩嵐訂交事

十載浮沉共黯然。捧檄幾時

能奉母。買山何日不思錢。無才經世貧原稱。有暇尋詩
病亦仙。拉雜心情成坐廢。祇應搔首一觀天。

殷勤秋雁為傳書。結習知君倘未除。儘有工夫勞饌箸。
了無離別恨舟車。讀書我似陶元亮。玩世君真陸接輿。
學道已深貧可賀。佳音還盼菊花初。
入秋以來數夢亡友陳少蒼朱璪士。

秋風吹夢夜如水。夜夜夢中逢故鬼。商聲在樹催雨成。
醒來月動鐙欲死。人生哀樂原無端。白楊蕭瑟空悲酸。
死者入夢亦可笑。彭殤一致難達觀。朱璪士陳少蒼墳
頭衰草一尺長。何不學仙悲名場。當年努力為文章。

秋夜憶雨嵐却寄

舊日雲龍吟憶否。十年落拓尚蕪城。齷齪身世常離別。
貧賤交遊好弟兄。照我鐙孤秋有夢。望君天遠月無聲。
可知今夜相思苦。殘醉西風百感生。

秋夜四首

殘鐙照壁感天涯。十載揚州不是家。努力作詩秋有例。
安心聽雨院無花。文章草草科名幻。今古茫茫夢影遮。

青眼高歌對尊酒。醉來呼月莫西斜。
惜無蘆葉畫秋風。磊落歌詩答塞鴻。江北江南家未定。
有妻有母路休窮。不當天下艱難事。空見閬中意態雄。
忽漫去年投筆感。誰將長劍倚崆峒。
歸去迢迢客夢孤。河山表裏古雄圖。他鄉故國多歧路。
橐筆傭書不丈夫。八口累人慙對母。半生失計悔為儒。
誰知負米艱難意。落日西風反哺烏。
最難三疊悟琴心。塵海蒼茫待好音。空說呼龍種瑤草。
每看飛鳥出荒林。歌鐘萬戶人難老。腐史千秋夢易沉。
一笑倚鐙誰解脫。碧天風露此時深。

飲酒十二首

向晚月如夢。殘陽掩薄輝。秋聲得蟲出。風意助鴉飛。貧
有古人共交憐。今日稀。中宵感尊酒。辛苦負書幃。
借酒一酬月。將詩細寫秋。十年辭建業。八口寄揚州。醉
惹慈親笑。狂憐健婦愁。雁聲空外過。偏有稻梁謀。
讀史無端哭。誦詩有意狂。長貧愧親友。遷怒到文章。不
醉愁難斷。能吟病轉忙。今年秋喜閨。良夜况清涼。
洗盞忽大笑。吾徒空浩然。逢秋心轉熱。得句苦思傳。衰
草涼螢路。閒雲塞雁天。王郎偏遠隔。謂兩誰與和長篇。
笑煞周公瑾。徒多顧曲才。霓裳猶有誤。瓦釜了無猜。折
盡三春柳。開殘五月梅。琵琶屈高手。入市發聲哀。
頗羨侏儒飽。臣飢愧爾曹。誰能不歌哭。狂笑讀離騷。猛

雨散蠅勢罡風摧鳳毛探懷空有月了了見秋毫
一酒能千古天懷醉後真秋高飛有鵝蒼僻夢無人劍
影月來壁書香風掃塵此中難喻旨誰可結比隣
蠻觸真堪歎爭秋別有腸我懷空磊落爾輩自興亡飲
啄么麼命陰陽瞬息光豈知傅宰相千古半閒堂
偶作閒情賦因之百感生樓無闕盼盼箏少薛瓊瓊綺
語方思懺高歌忽有聲美人香草恨此恨不能平
鎮海樓頭看閒遊亦可憐孤城圍暮色雙塔劃秋烟便
與枯僧話難叅古佛禪黃金鋪大地彼法也名踐
求我童蒙誤支離句讀師侯芭休問字卜夏或傳詩誰
鑄文章錯難為授受私酒酣堪一笑吾道了無倚

經世才何在謀生計屢差深愁成痛飲狂醉對秋花入
夜商聲動沉吟落月斜可知長太息一半感天涯

憶伯符金陵秋賦

汪汪黃叔度隔手感江城此別文章喜吾懷鄙吝生夢
真山有影秋暖雁無聲安得秦淮去西風酒一觥

月下獨酌有憶

亂雲流月天如海殘醉迴燈夜欲花楊柳春烟人有怨
芙蓉秋水夢無涯誰將虛白開心鏡曾照流黃織臂紗
悔不鬱輪袍一曲與伊憔悴共琵琶

史閣部祠偕小桓訪桂未花

日午天陰積雲厚女墻冷花出疎柳寒樛有意讓秋色

木樨開未沿河走步入叢祠靈旗風披拂老桂香未濃
幽廊沉黑行太息招魂萬一花邊逢昨宵冷露無聲落
繞花倘有歸來鶴孤墳豐碑埋草長時有瘦蝶來嗅香
衣冠已朽人不朽立破蒼苔瞻拜忘小山留人時尚早
月中秋影人間少斜陽隨風放樹梢出門殘綠明城坳

香鉢庵樓上與荀叔清話

揚州不少十萬家夕陽半街肩輿斜避人尋秋入窮巷
有庵一畝天一涯入門笑登三間樓破書堆案人不愁
古佛面城向荒草一蝶欲下風能留此間小住亦大好
讀書豈合塵中老倘使移向金陵城更有山色窓中迎
江南山多隔秋雨鬱鬱夢中魂欲語樓前縱目同看天

高舉已似黃鵠翩

小街月

夜步小街行人希屋簷墮影明月飛誰家隔墻閃燈色
箏聲彈出纖指微涼風裊衣動飛白寒意隨烟入空碧
幾點蓼蓼城鼓哀醉人轉出深巷來莫因犬吠失歸路
一肩冷色帶將去

雜詩

琳琳瑯瑯開洞房侍婢簪花生夜香幾日歡悰墜如雨
竄入荆棘憶歌舞城頭野雀傲鳳羽啄來粒米向空吐
饑鳳失巢文章窮九苞黯淡愁日紅舊事含羞不可說
前日新人斬袂別走過豆棚山橋西一蛩着意隨人啼

商聲呼吸入虛空。落葉墮地作秋夢。陰陰遠郭蕭聲吹
誰家又娶河東獅。

客子腰劍走千里。大波不懼黃河水。夢中書畫呼米船。
背上葫蘆壓班史。秋雲釀雨淮南涼。好山弄影皴青蒼。
百城坐擁足終老。惜爾出門言文章。孔雀東南別有向。
飛來不落爾頭上。看人寡有惟在書。黃標紫標爾不如。
仙風吹背冷騎鶴。纏腰無錢那方落。

流水有意搖蘆花。西風吹雪飛漁家。十年連舉八九子。
寒來呼母饑呼耶。一船尚不滿三尺。低昂踏浪動山碧。
但知得魚方能生。逆風拚死潮頭迎。水中富有珊瑚樹。
驪龍抱珠况無數。得珠一顆值萬魚。珊瑚之枝人間無。

二者難兼珊瑚宜魚目善溷虞爾欺。海天瀕洞心怏怏。
悔不當年鑄鐵網。

古怨曲

新萍覆地綠兩兩。藏鴛鴦。一雨漾萍去。鴛鴦空斷腸。
贈君七寶鞍。報妾金屈戌。使妾怯空房。看君遠行路。
鏡中花與葉。夢中越與秦。下牀出門去。道旁桃李春。
悔妾將團扇。置君懷裏中。本來團扇上。先已帶秋風。

醉中寄雨嵐

紗帽巷口老虎橋。六朝山勢街北高。故人抱書且窮餓。
松風鬱勃寒生濤。可憐秋冷聽蟲叫。閉門愁看孤月到。
望衡雖有朱三家。君偉為龍為雲空咨嗟。胭脂井底紅鬼。

語得詩幽豔。飛淚雨與我江山共一夢。雌伏難為黃鵠
舉。吾曹見事太不早。高文大冊易蒼老。黃帝堯舜皆可
談。能知己者無二三。何如戲弄不隱諱。簡霑巾幘聞者
甘。往年誰上瀟湘船。歸來斑竹携蒼烟。一囊如水人如
天。空空那有青銅錢。遇酒拚命不恤死。醉對妻孥拔劍
起。豈知乃見海外鬼。去年烽火轟天紫。鷄鳴寺塔秋峻
增。山城紅隱殘宵燈。照見旌旂捲風去。饑腸奇策獻未
曾。書生骯髒不可說。異地同看屋梁月。陸雲近復有笑
疾。每每一飲萬愁釋。孟浪之言妙道多。作詩寄君君如
何。此詩得自酣醉後。儼歌扶風豪士歌。揚州醒齷何足
道。不聞大言鬱懷抱。狂譚祝君止吉祥。秀才利市為文

章

八月十一日飲虹橋夜歸二首

斜陽入店酒杯愁。醉醒因誰判去留。更進一觴拚永夕。
再遲三日又中秋。瑞人萍跡虹橋尾。感我霓裳鞠部頭。
一个歌郎二分月。渾忘今夜在揚州。時歌郎蘇卿在座
出湖燈火惜深宵。幾點殘星隔樹遙。半醉更疑秋有味。
一船剛趁月如潮。樓臺幻影悲荒塚。風露漫空冷畫橈。
禊事久墟人不見。城陰落木故蕭蕭。

中秋邀同父庭荀叔小桓飲拳峯館醉後放謔

陰雲走空生雨色。有酒何須更待月。佳晨非醉歡不成。
舉杯一瀉黃河傾。去年今宵月大好。今年今宵事難保。

揚州燈塔小兒鬧六級秋紅紙中照我輩無燈心有光
涓滴乃復爭一觴醉時看月那如醒醒時看月有清影
人生行樂須及時莫待黃昏空嗟咨墻角花枝冷相笑
一蛩如語酒邊妙白菘肥美羔豚如得飽便欲為狂呼
三樣賃廡十年住天下之事還思圖此屋如天有仙態
我輩如星曉相待汝南雞唱銀河流人間翻覺天上愁
諸君不是等閒士拔劍哀歌各有志月雖未來日正午
白衣蒼狗枉如此何必眼前悲逝水嶽色河聲詩卷裏
我詩悲詫秋佳哉今日得酒翻詼諧倘思見月乃飲酒
醉來便欲月中走高空浩浩誰能梯負手看雲天難低
不如得飲且酣飲白日作詩晚來寢夢中無復知高寒

瓊樓玉宇平等看

十六夜門外看月

今宵無雲昨無月天心不測那可說誰家玉簫嗚咽鳴
今宵不是昨宵聲風葉蕭蕭墮空響開門走不知所往
一白如江六街靜人影隨烟沿屋上孤踪浩落天河高
桂輪黃濕香風飄萬戶沉沉醉夢裏燈紅欲活月欲死
豈知風雨無常期人生負月空自悲百年三萬六千日
如我此時安可得揚州二分我十年爾月與我交相憐

贈徐孟卿志導時孟卿由浙歸江西

前年京師醉中別荆卿酒市琉璃鐘浮雲奄忽各分手
世上離合尋常同今年揚州看明月相見細溯當時踪

僕別批錄披讀漏原
僥矣情豈情式原

足跡飄盪笑萍梗。心期慷慨吟雲龍。君家機雲總勤學。
謂少見我不肯驕吳儂。我未讀書得詩偶。不識奇字羞
揚雄。雕蟲小技壯夫病。乃復藉口開心胸。僵看雲仰
頭笑。往往豪士歌扶風。偶然落筆如瀉水。無源而流涸
則窮。文章事難易。蒼老草草敢付鈔。書傭大雅衰息誰
繼起。閉門未遇海內宗。醯雞顛倒不知醉。甕中風雨憂
心忡。連宵酣飲有狂態。人貌而天心非蓬。十年為詩二
千首。可惜頑鐵火未鎔。便思鑄作一大錯。出詩示人觀
者慵。黃河走海崑崙遠。凡所津津無不通。悔我淺見免
園冊。矧借句讀師童蒙。許身稷契幾時事。縱以詩勝仍
凡庸。咄哉有劍腰下利。蕭然無與心內空。溷藩筆札糞

除好逍遙之游。當能從看君遠涉之江水。歸去還卧廬
山峯。西風鴻鵠易飛舉。酒杯吹作珊瑚紅。少立斯須莫
太息。古來聚散都匆匆。相期努力慎所尚。贈詩不敢為
橫縱。

小桓將歸山西出尊甫姑執八景圖屬題因書六
首欲小桓珍手澤繼家聲特於圖從畧云

鴻雪山川在遺編。感觸深烟雲。一時事霜露百年心。君
已披圖泣吾還。對景吟臨歧無贈語。題句試推尋。

踪跡龍頭感

曩與鐵脚又庭小桓訂交推予為長

江山馬背裝匆匆。載圖

去。踽踽覺秋涼。有幸書堪讀。無聊劍且藏。揚州好明月
終不敵家鄉。

我有大瓢酒酌君君莫留此行真浩浩孤月太行秋身
世南華悔丹青北苑愁倘思珍手澤零落慎箕裘

青眼蒙人媿黃金促爾歸賀心齋助行裝七年思有母小桓七年未歸

再誤恐無依去年欲歸未果轉眼團樂樂傷心落拓非出山為

小草何似守春暉

亦有家山夢傭書感路歧因君翻此別補我十年詩十年

前即屬題圖未果聚散圖堪記升沉月倘知來秋歸計决款段

頗能騎余亦謀歸

北城暮歸

木樨蘊香色秋暖力猶小步歸城北隅暮影待月皎古

刹鐘在空裊風聲正好鏗然落叢樹驚起欲棲鳥烟痕

劃如墻閒花豆棚表此時心無塵所懷真浩浩因憶金

陵遊橫岫閣邊草草根啼霜蟲商音六朝早古井埋胭

脂鬼語鬱叢篠我常行其陰高空碧如掃一鷹側翅下

拏風力獨矯遇人颺日飛山勢障深杳閒情追逝景茲

地峯巒少迢迢限一江展衾秋夢悄

寄酬朱文

去年兵後識先生慨贈瑤華劇有情與我論交慙小友

因人登第嘆浮名窮途學劍恩讐少文曾殘臆看雲去

佳輕頗備偏師攻勁敵別來曾否築詩城

輝輝珠樹鶴難棲古井生波縵不齊失意秋雲仍入岫

回頭春絮已沾泥江山畫日天容淡書史圍燈夢影低

此二首極剛

熟讀南華終未悔擬招蝴蝶與參稽

述懷詩一首寄兩嵐

王郎不為憂患死識字讀書知道矣猶憶才鋒銳出時
十二年前曾見之太歲在辰乍相識蓬萊文章詫奇特
同擢博士弟子員茂才異等有矜色譬諸龍鯉一角雄
衡波已過瀛海東雞鳴埭前多春風柳花滿地斜陽紅
長干道上看秋月高空塔影矗天闕俯仰江山惜景光
窮愁乃復詩興發我初作詩如騎馬四蹄欲蹶霜橫野
一心馳驟不可收每遇巔巖無控者君言天驥自有閑
爾所為者行步艱杜陵已老謫仙死爾騎生馬無輪轆
祇此寥寥五七字絕塵不在形貌間使我聞言嗒然喪

隱几無復神魂閒陳書發篋忘嗚呃溷藩筆札懲怪僻
詞賦無益妻子譏間以出門時分飛丈夫不屑取微祿
窮餓那悔腰減圍中間十年雜離合雲龍之吟猶依稀
君雖秀才不利市著書一尺寓旨微偶以長句誇示我
我不能及知自非黃金如山愁買醉白眼如讐羞墮淚
若以詩論君非貧囊中已過五千字我雖蠹籍等鑽研
故紙空壓癡蠅天亦有心得自矜喜持之入市不值錢
南華已誤溫冬郎牀下乃有孟襄陽賈島奪卷倘忤世
劉義攫金逢者藏我輩許身稷與契高文典冊空輝煌
所愁致用亦難事往往奇策辜饑腸坐此一檀嘔心血
筆力嶽岳銷鋒鋌二分明月看已厭秋來相思歌短長

長歌當哭短歌商誰知握粟飼鸞皇吁嗟手誰知握粟
飼鸞皇詩成擲筆心茫茫

秋雲

轉眼奇峯萬里平碧天捲幔見空明得時塞雁有高影
落日寒山多遠晴久已炎涼忘世態那須厚薄較人情
一般城郭陰陰裏無復當時篳篥聲

更從何處覓仙鄉雞犬蕭蕭露氣涼此日垂天嗟晚晚
舊時出岫太匆忙晚風一片星無色微雨三更月有光
淡絕誰摹河漢影幾番傾倒孟襄陽

天女無因織綺羅祇宜幻影伴維摩看來富貴盛時少
悟到文章空處多冷眼陰晴勞我判熱場翻覆奈人何

西風泰岱峯頭路猶有為霖志未磨

庭院無人黯黯愁那知世外有沉浮孤花寒色添三徑
疎柳微陰畫一樓細雨斜風閒裏態白衣蒼狗夢中憂
閉門息影春常在親舍瞻依一載留

酬厲茶心太守丈四首

我丈冲澹人詩骨藏峻嶒廉州罷守歸良吏羞見稱顧
以還珠奇頌聲粵海騰抱道不太息虛名辭親朋浩浩
江淮波大筆高凌競鋒銛隱不露如盤雲中鷹悠然忘
蹄筌菩提登上乘和陶一百首形神交相應雅頌久不
作吾道誰代興願樹大寶幢小勇斂氣矜

賤子幼失怙飄落江之南長跼受母教讀書知沉酣稍

長饑來驅百苦無一甘學詩寓骯髒此意已足慙漂泊
鳳與鸞低飛限層嶼悲訝漸無味變言誰復堪顧其狂
愚心大雅肩思擔理裕詞不虧情古音能涵惜無拈花
人微笑相與參

海內盛詩歌角逐雲與龍閉門末由見深秋啼寒蟲落
葉有生意領取心能融直起自追逐反收春溢胸循環
任大化浩落吾氣充隨感亦因應不改方從容古人未
竟事挺特為彌縫慎此賦篇什譬山有岱宗結交衷寸
莛行將撞黃鐘

維文學我詩羨獎轉可畏仙才兼鬼才

文謂予詩
似二李其實

那堪既因此矜慎言折其桀驚氣寥寥一寸心醺醺五

齊味飲酒讀離騷涉世非可貴結習所不解同心差足
慰所惜門祚衰有母祿當致詞賦恐無益高吟倘廢棄
勗哉遵時欽待丈大言賜

月下獨飲對殘菊作歌

背秋涉冬天氣涼孤花猶作兼金黃月來照影生夜香
酣然醉倒宜花旁敗葉數莖花一朵瘦態款斜出堦左
酒杯如海花如仙月光似晝夜似年闌干紅斷疑潑水
月色飛烟滿花底此時未合醒眼看酌以大斗忘宵寒
五柳先生醉不覺三閭大夫英莫餐月倘有知定狂笑
何如騎馬長安道西風籬下矜晚香已是春人負年少
豈知我醉思無涯喝月倒走羞咨嗟一枝將老非足誇

念爾霜中能作花

四言一章寄徐孟卿

蟾蜍升東江山鬱蒼照影不爽安能兩忘嗟予骯髒迺辱寄書儼濯清波迢迢鯉魚鳥嚶求友林霜瀉紅千秋萬歲交柯則同朝唏暮暗投袂出門富貴易合離神鬱魂言念君子庶幾如水千流一源跬步萬里酒肉澠林昨日如何醉者飽者焉知浩歌登高四望茫茫九州英雄已矣友朋誰傳爰伐枯桐龍門之陰彈琴成聲僉曰知音勗哉徐君願言永好太璞必完質言為禱

△附書

衡頓白孟卿足下別近三月幸得一書賜詩如

錦未敢改製鑄字過鐵不勞攻錯頰首稱歎傾心寤想足下於衡殆亦樂交無復客氣為浮詞也衡性愚魯人言狂肆家無擔石枕有蠹籍雖未馳輪九垓貫槎四海而鳥嚶求友不限一林烏集懲交時冀三益幼好詩詩長乏師範奇氣所溢橫不可制儻言之誤久未能悔乃至魏武感烏作短歌行賈誼賦鵬為長太息無病而呻竊自慙焉足下寄以珠玉屬其鍼砭是以瞽者為離婁拙工為公輸也然衡以為漢魏以降乃有淵明李杜之嗣挺生韓愈是五言雖始於蘇李而繼者不乏七字實昉於栢梁而導之益勝至

於公幹升堂陳思入室鍾嶸之品殆亦一時參
軍俊逸開府清新浣花所譽非兼衆體何也雕
刻神理發舒性情神而明之存乎作者篇或有
句集或有篇宋元逮今代興復在者鮮不少各域所見或
執其是是在不悖不信詩滙古之源風騷為羣倫
之龍鳳謠諺備列國之軒輶以我為鵠萬象赴
焉萬理生焉於是撞金尋聲擊石異響因靜得
境由慧遣詞各示所宜勿晦其本真意所發譬
諸元氣淋漓跌宕嘘之成海大抵情以古為宗
理以喻而見是有體勢勿隘耳目苟乖詩教徒
費語言石雖寸而起雲蘋之末而生風非第夸

目實求愜心也衡拘管見時等墨守不可信也
而思奮焉將欲挂劍崆峒填石溟渤放手六合
收之寸心一几之前足推萬里一卷之內冀該
六經尋源導流學焉勿壞顧閉門寂處無與談
也又病孤傲不肯附衆入社攢眉隱几撚髭或
詠一物動輒百言循誦千篇未解五字乃猶見
客索和長卷出裏詡人持贈惡語疥壁素所心
鄙奈何身蹈因是杜門不敢接席然則衡之為
詩亦隘矣哉足下家學有本弟才無媿沉酣典
籍發揮性靈屬定數詩所謂見鳳一毛得麟一
角可以矜詫駭嘆者也苦因束裝將赴白門舟

中無事方暇點論先布區區畧示心折夫襄陽
困屈於牀下賈島推敲於門前衡境類窮所好
不變愚者一得必不自匿他日寄還勿怒叱也
天寒歲暮相思益深暇即惠書翹首為待令弟
少峯同此問訊手削為報心夢與俱硯冰礙墨
惡劣勿笑

益堂來揚州不三日遂歸置酒話別因成四律

昨夜夢君君果來江南梅信一枝催貧真似海浮難出
愁縱如山醉亦開孤月不圓驚雁斷罡風易鍛稱鸞哀
時益堂悼亡荒荒草色蕭蕭竹日暮天寒握手纔
繞樹無枝烏鵲飛月明南望欲誰依文章老醜違時好

醉夢窮奇失曉暉有弟羨君猶可往益堂將視弟廬州傍人如

我竟何歸揚州十載藩籬困鷓雀都應傲奮飛

大嚼狂歌亦可憐不能成佛不生天百年聚散真常事

一飯艱難有夙緣自古風雲多變態於今啼笑悔從前

誰知歲歲饑驅苦意外相逢轉黯然

瑤林瓊樹風能折寥落多傳欲散時謂少蒼叔璆餬口

已難猶論世傷心容易又成詩一江浩浩分南北三日
匆匆判合離空有歲寒盟不改青松同盼最高枝

惆悵詞

虹梁宛宛隔銀河一髮情天渺碧波恨煞玉簫聲易歇
樓臺鎮日柳絲多

雄劍孤飛絕可憐生憎秋水隔嬋娟
枇杷花下深深屋空擲黃金買別筵

雲屏爛汗勢連環一別如天帳望間珠柱銀箏了無着
夢中青斲白門山
從無滄海能填石祇有楊花易化萍
一度驚鴻成隔世十年留燕繞空庭

將赴白門醉中寄偉君兼示兩嵐

蕭蕭風雪一江寒
樽酒無船欲寄難
安得相逢便狂醉
任人拍手道旁看

著書經世願常奢
千首詩成未足誇
况我依人君始娶
一般都是負年華

臺城左側雞鳴埭
負手行吟定往還
近日解衣磅礴石
為人濃畫六朝山

明日布帆江上影
醉中先已慰離魂
憑君更與王郎約
不許看山遠出門

晚泊高明寺書寺門一律而去

亂鴉爭樹塔陰寒
梵宇蒼蒼暮靄間
烟意隔江山欲睡
鐘聲驚客櫓初閒
出門便抱歧路感
真州水涸將出瓜州登岸翻嫌涉世難
不待推敲題壁去
狂言留與佛來看

晚出瓜州四首

荒草淡朝日霜色紛如絲
嚴關晏不開倚蓬愁櫓枝
大賈競泉刀重貨關吏知得錢
許先渡羣舟爭隨之寒山

勢突兀低昂初見時鷗夢鬱蘆根帆陰驚起窺
疑是范寬筆亂峯硬且老殘雪明山陰非春不研好蛻
蜒勢欲東江流同浩浩帆影兼雲飛微陰忘日晚路無
三百里水程弗稽考鴻毛遇順風得時以為寶
叢梳遠如樹詫駭言未終瞬息至眼前差我集艤艖一
過不留影江煙仍朦朧前望山勢低疑之猶夢中蓬脚
欲轉南柁尾時偏東弄船疾於馬吳兒江湖雄
回看浮玉山煙痕隔林變衝波我舟勁奔騰破江練人
家帶寒色初日閃疑電天低雁飛鳴雲勢孰狂煽因思
離大河頃刻別如箭嚴冬快行役冷然風亦善

大雪飲瑤華閣屬主人歌孔云亭桃花扇傳奇訪

翠一曲主人自按拍余為擷笛因書二詩於壁
當纏頭云

鬱輪袍曲感琵琶塵海茫茫未有涯何似與卿共尊酒
一天風雪唱桃花

何必傷心舊板橋春燈燕子憶南朝天涯尚有侯生在
扇底春風為爾招時主人屬為寄書鳧盒

我亦江湖載酒行十年飄泊負歌聲誰知偷得霓裳後
鐵笛今宵獨為卿

二月二日晚次邵伯埭示徐根初雲甲辰

孤裝及春發短艇暮行遲道遠初程喜潮寬舊路疑烟
波游子夢燈火土神祠今夜誰相待空憐雞黍期

郵程

白馬湖邊路春風拂柳絲新愁三日雨舊夢十年詩膏
秣誰堪助文章我亦疑郵程頻記取尊酒杏花時

陰平題壁

背山茅店一燈紅往日題詞憶夢中辛丑過此有又着百字令一闕

短衣遊趙北便將長句擅山東緇塵新舊春無色轅鐵
銷磨路未窮但肯琵琶屈高手鬱輪袍曲不難工

雨中過兗州

風旂拂帽過荒臺斷戍春陰黯不開一片孤城千樹雨
桃花紅向馬頭來

薄暮次荏平

不見鳶肩客春風悵此行荒城依落日匹馬自孤征肯
作歧途泣空多出世情頻年哀樂感絲竹又前程

雄縣題壁同初雲

趙北燕南一覽中夾堤楊柳水西東古來爭戰渾如夢
天下輿圖到此雄萬瓦晴烟魚市白半湖斜日馬頭紅
鳳城咫尺春如錦莫道看花路易窮

三月初九夜題號舍

燭盡三條漏已殘文章肯作等閒看十年還憶王郎語
容易成名報國難兩嵐士辰省試題號舍詩有容易成名報國難之句

感興

文章鄙孤憤顛倒為小詩還因翫髒言悲歌慙京師魏

魏黃金臺殘陽愁疾馳雲龍不為雨草木春誰滋在山
為遠志爵祿非所私及今寶初服澹然塵未淄

○五月大雨雖止復作六月初旬始大晴

京城不雨愁已多本來出門尋誰何車馬奔騰貴者事
即今泥塗猶未過五月南風不煩熱黑雲作勢聲滂沱
永定河流既奔決緊誰之咎揚其波靈霖縷縷忘牖戶
二十日雨時則那我居斗室偪仄地閉門日日空浩歌
槐陰積溜閃新翠一鵲出噪斜陽窠彼鳥未見羽毛濕
嗟哉晴日仍蹉跎

○夏雲生

問元池南寄幻圖

茫茫黑夜荒池頭梁家廢園常如秋袒胸獨歸發醉膽

一鐙豪相能獨幽金繩脫串風輪影幻形不辨鬼妝靚
鏡中空色忘手馨餘光一助泉臺青陰雲慘淡路三折
相逢何必曾相識吾曹自具菩薩心蕩蕩青天一明月
嗟哉硤谷有聖鐙紫薇侍郎見未曾夏侯今日詫奇遇
便當與鬼作禪悟鬼不避人人即神此事非幻兼非真
流螢一點閃微綠人乃大笑鬼低哭佛言於意當云何
大千覺路誰來過使我聞之發浩歌九衢白日車馬多
周遂啟祺大鼎葉東卿丈所得將藏之金山徐孟

○卿屬代作歌

我文出鼎形嶙嶙浮雲金景輝乾坤幾時發泄破地藏
其文饕饕苔花昏卅年好古辨真贗銅盤石鼓搜本原

曰維宣王伐玁狁十有三年詳紀元命臣啟祺舊氏遂
覆哉女往功弗諼作器告廟會厥旨當時策命言非煩
一百三十有四字拂拭雷篆沙土痕慨自幽埋劫灰冷
萬古鬱鬱嗟覆盆寶物隱見亦有數秦漢逮今誰攷論
維文得之眼如月微以載籍知其源下士大笑莫名器
本來丹篆夢未吞矐然白首一無識魂木敢入大匠門
可知神靈默呵護宰郡史減名同存謂當藏諸浮玉山
屹然不許波濤掀吳揚江淮共驚駭龍文赫奕千秋尊
焦巖之鼎或伯仲以外有者皆兒孫

古詩

珠咯發響商音多一聲河滿雙淚波美人哀艷登篴歌

誰能不碎金巨羅迢迢良夜微風和蓮花玉漏憂蹉跎
空庭一白填苔窩月明如海簾痕拖樓陰倒地條已矧
餘音出戶流烟蘿珊瑚玉樹分枝柯來日大難當奈何
黃金虛牝擲已訛今宵鵲散嗟天河銀屏十二蓬山阿
鳴鐺隱隱清簪珂

吳穀人先生江亭餞別卷子為羅兩峯山人所畫

北平查氏所藏王小秋榮紱孝廉得之琉璃廠

書肆中屬題作歌

誰圖別意生綃工墨楮慘淡神采豐昔者江亭盛賓客
珠玉咳吐隨天風座中吳侍讀歸心動南鴻舉觴各黯
然抽毫傾離悰孔雀東南飛高樓西北雄寒花鬱鬱槐



好景樓原

火紅圖明圖為清意雖不盡心無窮西山青向城闕濃闌干
高倚雲生胸當其下筆共驚歎誰知盛會難再逢北平
太僕慎藏守邱山華屋悲沙蟲王孫剩玦尚鳴玉美人
破鏡誰珍銅蘭亭醉本此圖在轉徙得之沽書傭寶劍
出地底妙畫神通可惜圖中人風流難繼當時蹤當
時角逐雲與龍轉眼人海青濛濛况我今年覓故址江時
北亭傾短蘆策策荆棘叢老蝶穿窻燕巢墮舊苔綠過荒
堦東夜深或有鬼唱詩白日惟見塵埃封華嚴小劫足
慨息豈獨離別愁忽忽古來西園與金谷高宴那不終
蒿蓬吁嗟乎建者誰憶江郎中亭為江郎中故所建畫
者不見羅兩峯行者餞者總黃土此圖合付王無功陶

然一醉且把玩莫教眼底烟雲空

冬日飲研秋寓齋同小庾蓮芬伯華伯符孟卿荻

傳少峯徐志恭醉後成詩

京師盛文醺窮冬回春陽翩翩厲翰林豪飲累十觴坐
中嶽奇人朋好忘異鄉矧我讀莊列悟想非荒唐才鋒
一雄劍摧折虞干將倒持或無權不如囊中藏風沙日
門外車馬爭騰驤誰知伏櫪心哀鳴頭思昂舊學既隕
獲培植難再良失意且杯酒嘉會今方長羊裘未敝時
毋為驚嚴霜華心一傾注雄視惟文章

春日聞妙主人招飲乙巳

與爾真游戲春中被酒情歡場無艷想畫壁有詩名動

少時見之自然喜如訪汪
此香雅名之字似之



我江湖感看人去住輕何數猶未老珍重贈歌聲

莫春獨登黑窰廠

一望天南影浮雲自古今文章高處悔塵塔此時深便
有飛花感難為擇木心江湖歸夢遠踽踽尚登臨

南歸詩

華燭易殘雞聲無端擲杯上馬國門屹嶮畫犬類虎誤
璞為鼠峩我席帽見人色沮浩歌南行大河前橫舊時
冰雪流春無聲公無渡河公竟渡河黃塵滅頂不如巖
阿盈盈一水湯湯千里中流擊楫太息而已寶劍在腰
雕弓在袋蕭然頭顱倏有二毛顏色老醜文章吐垢來
如雲龍去如芻狗途遙如天日長如年愁心如水歡情



如烟彳亍于泰山之麓淒淒迷迷汶水之曲條鏃鷹
驕碧鱸雀高岸懸猿走幕虛燕巢天晴不雷地平不埃
面墻摘埴使我心哀距山艾山雲間雨間泗水淮水風
灣浪灣歸來閉門安神返魂歌哭千詩俯仰一樽祖龍
安在焚書亦快腐史荒唐山經誕怪不如彈琴悠悠我
心物靜星稀山高水深同調難求知音則休東南孔雀
西北高樓四望艱難一意喜歡不改初服空彈儒冠飽
亦不樂飢亦不愕夢亦非昏醒亦非覺有心擊磬無心
墮甌瓶何可挈鏡何可聽疑假疑真何已何人囂囂之
士皞皞之民殆忘機矣是當歸矣母曰予子其庶幾矣

菜花

東風努力到蒿萊。滿地黃金未築臺。古有英雄曾爾種。
世多桃李為誰開。能隨秋菊存佳色。不屬春官便棄才。
太息荒園成廢隴。冷烟疎雨蝶飛來。

蘆花

桃李更翻負好春。江湖歲晚悟前因。漫愁搖落飄隨梗。
祇合焦勞用亦薪。被覆誰溫天下士。羈棲深惜此中人。
西風吹作秋來絮。莫向灘頭誤問津。

登樓

登樓無暇歎儒冠。西北浮雲欲辨難。萬古江河幾飄泊。
一時風雨拍闌干。盤空雕鷲當秋健。跋浪魚龍盼海寬。
何處買山與招隱。天涯翻作故鄉看。

塞上曲

弓鳴一鵬盤黃雲。鬱漫漫壯士血滿腔。不覺秋風寒。

獨坐

葉落商飈生。獨坐聞蛩鳴。爾豈有心肝。聲聲如不平。

李夢相同年梅鶴圖

李子欽奇人。用世有初志。無端五萬里。丈夫灑愁淚。我
謂當入山。與世永逃避。鸞鳳翔三霄。荆棘遍九地。見人
轉歡笑。讀書益憔悴。四十過平頭。一切可吐棄。古來飲
者名大都。不得意何必形骸勞。翻使性情累。君言殊不
然。我懷別有寄。請看梅鶴圖。當之正不易。

離襟飛自高。老醜香益遠。空山似太古。雕鏤恐非本。君

過千重巖不懼九折阪天懷慕高曠芳時惜晚晚所願
根株深那畏羽毛損擾擾身外事世險幾時穩勞勞塵
中人機械孰知反鶴豈戀榮貴梅久一枯苑披圖同志
言努力加餐飯

送夢湘入都四首 丙午

高卧無田耕家閨多煩憂諸侯老賓客何憚輕裝遊君
言讀羣書前箸為人籌慷慨用世心轉增謀食羞茲行
逐歸鴻望望燕山愁匹馬短後衣拂拭看吳鉤嗟哉今
別離五十將平頭

巍巍黃金臺馬背驚殘陽燕市舊酒徒誰與傾千觴貴
者近閭閻賤者歸江鄉狂者脫儀節狷者矜行藏獨醒
復何益衆醉心馬傷九衢盛車騎孤踪慨以慷騶卒知
生平君倘言衷腸

東西南北問因人無定踪還日當何時期以三年中富
貴既非願一笑浮雲空但得三徑貲還就菊與松嬌女
倏垂髻健婦甘禦窮文章誠誤人書史願未終天涯倦
行旅勝算應在胸古者重贈言何為行忽忽為我立斯
須百歲悲心同勿言志四方迅速謀歸驄

緊余鬱離情一別贈一詩舊詩固未忘新詩當深思低
吟聲雖商恐有未盡詞清時易行役去去毋然疑昨聞
東海頭訓練增舟師大吏慎武備詎同張水嬉既免江
鄉憂曷為羈旅悲我亦願出門母老未可離色養勝祿

四訪原核

貪吏之罪過極矣
布衫趕船虎也



起二句天然
物



養悔去京師遲行矣勿復顧慎此貧賤時
有寄

眉痕惆悵月初三鏡裏芳華夢影酣楊柳青青歸雁盡
更無消息到江南

海陵舟中

家關喧囂苦烟波引興長舟輕帆勢側河曲柁聲忙晚
市魚蝦賤孤墳燕雀翔淮流達江海分派亦湯湯
草色青連麥河流勢轉西濕烟堤樹曉昏日海雲低暫
客心翻喜荒村意忽悽倚蓬愧田父起立感聞雞
轉運淮網重千艘捆載嚴深憂正滄海舊利尚魚鹽
笑防民盜牢益仗吏廉誰知行客意家國一心兼

十五年前路青袍客又來因人有離別感我在塵埃水
緩閒萍聚舟迴密樹開暮烟近城郭舊地重徘徊

白門喜晤雨嵐時雨嵐歸自皖江

三年踪跡各西東先後歸來笑轉蓬舊曲商聲入橫竹
時雨嵐歌余為新秋火色上靈楓出門冠劍誰猶昔戴斗文
章爾尚雄一語相期樂貧賤此番良會又怱怱

八月十一夜渡黃天蕩倚蓬擻笛憶同人闈中

三更舟過黃天蕩萬頃波搖皓月光欲訴秋心山不語
儼成好夢夜宜長茫茫烟樹孤帆怯寂寂魚龍獨客涼
翻羨衆仙同詠樂遙吹玉笛和霓裳

六月王柘香金洛來揚州擬贈一詩未果及是得

養悔去京師遲行矣勿復顧慎此貧賤時

有寄

眉痕惆悵月初三鏡裏芳華夢影酣楊柳青青歸雁盡
更無消息到江南

海陵舟中

家開喧囂苦烟波引興長舟輕帆勢側河曲柁聲忙晚
市魚蝦賤孤墳燕雀翔淮流達江海分派亦湯湯
草色青連麥河流勢轉西濕烟堤樹曉昏日海雲低暫
客心翻喜荒村意忽悽倚蓬愧田父起立感聞雞
轉運淮網重千艘捆載嚴深憂正滄海舊利尚魚鹽
戩防民盜卒益仗吏廉誰知行客意家國一心兼

四訪原核

原

貪吏之罪過極矣
布衫趕船虎也



十五年前路青袍客又來因人有離別感我在塵埃水
緩閒萍聚舟迴密樹開暮烟近城郭舊地重徘徊

白門喜晤雨嵐時雨嵐歸自皖江

三年踪跡各西東先後歸來笑轉蓬舊曲商聲入橫竹
時雨嵐歌
余為擷笛 新秋火色上靈楓出門冠劍誰猶昔戴斗文
章爾尚雄一語相期樂貧賤此番良會又怱怱

八月十一夜渡黃天蕩倚蓬擷笛憶同人闈中

三更舟過黃天蕩萬頃波搖皓月光欲訴秋心山不語
儼成好夢夜宜長茫茫烟樹孤帆怯寂寂魚龍獨客涼
翻羨衆仙同詠樂遙吹玉笛和霓裳

六月王柘香金洛來揚州擬贈一詩未果及是得

起二句天然



柘香書既以尺一為覆兼寄此作

短燭欲炆酒在尊王郎大聲呼入門六年不見尚豪快

高談乃亦有道存座中諸君盡傾倒柘香到日適余與初雲又庭醺集

而我相對無多言悲哉龍性今已馴悲哉鵠志猶未伸

文章不是秀才事雄武不是窮途人聰明無用入狡狴

麻姑游戲翻通神深憂讀書易憔悴儒冠恐誤七尺身

作為詩歌誇輩偶踪跡吳越淮泗均悲哉意氣飛長虹

悲哉骨相標華驄寶劍屈信未可測誰持太阿藏其鋒

吁嗟乎春能嬌花秋殺草橘能變枳美誤稻今宵贈詩

期永好會見孤松出雲表

附書

宗衡

啟蔗香足下辱書駢麗鬱情埋曖繙讀再

四心悅然也推足下之意詎不謂大捨青衣憐

才不易小家碧玉偷嫁非奇門中一面石上三

生井水既波曇花匪幻春人唱惱楊柳大堤之

詞秋士能悲芙蓉涉江而采乞訝姬之食盛感

賞音賣侍婢之珠亦呼將伯有紅線盜盒之俠

抱綠珠墜樓之忠才人失路女子同心從古豪

傑所為亦或飲醇近婦風騷之變不過香草美

人下士大笑固其宜爾然而佛說因緣士止禮

義擇途插腳詎為繭纏盪雲生胸弗翳鏡朗奈

何閒情有賦藉口古人勵志無詩惡顏知己必

待青雲初枕始不復蹈竊恐黃金胠篋更將虛
擲富貴必淫心蕩已見一事溫柔願老口給翻
持兩端斯亦窮於理之遁詞也又况僵代桃李
雖無言於蹊邊偷采薜蘿倘驚心於山下試看
牀頭縱無捉刀之英雄側聞爬背曾有受鞭之
仙侶加以人人月旦處處傳聞日日風流年年
老大豈不深可危哉豈不重可惜哉今使足下
失抱柱之信與分釵之歎雖堅桑約竟負瓜期
既向黃姑賞錢又許紅拂作傳回憶猩唇魚尾
固憂食言而肥縱非小膽長眉詎忍減腰使瘦
又或無行雨之心但一餐秀有多露之畏不再

銷魂則在山出山泉雖清而亦濁斷竹續竹節
似堅而非貞別時容易誦一日三秋之詩來日
大難觸五角六張之感雲方戀岫絮竟粘泥彼
美遽令其傷情我輩亦深為負義矣然則足下
必不得已無可奈何計惟堅捩心旌靜忘意獄
情因禮止義可德酬千尋古井雖云水面難平
一段巫山但告石頭易滑淺則以人言可畏戒
過市之招搖深則以我見猶憐懼由房之曖昧
未忍抽刀便斷何妨取瑟而歌若待慾壑真焚
孰保崑岡之玉倘謂愛河難塞試投瀨水之金
彼無從一之心我有在三之節孰謂干卿底事

豈非愛人以德哉君如了了漫疑太上忘情吾
欲云云莫道豐干饒舌衡啟

寄白華 詠笙

識君數年前今年通款曲北城諸子中君質美如玉人
才鍾間氣幸生好山麓吾曹弗自愛行吟雜詩哭一日
同嗜好百歲誤追逐讀書見其大植節不妨獨君雖癖
騷雅世方重庸俗俗便不可醫庸豈不受福我生卅載
餘境不一身蹙窮餓肯廢棄蠹籍日酣讀時懼素絲染
深恐歧途惑高天青無雲飛鷺遠疑鵠願奮九霄心用
騁萬里足擇術倘或疎辛苦亦鴆毒

偕偉君飲詠笙寓樓有序

太歲丙午孟冬將望詠笙至自白門風日未冽衣
裘尚溫寓齋揖樹環橋背城鑑水樓高切雲綽
有仙態牖虛納月空無市塵因思良悟可惜暫
醉亦歡十二夜乃偕偉君詣詠笙飲時則漏蓮
欲落析木四響烟淒罩波泊舟近夢風緊催燭
倚壁尚歌事瑣艱記別語較多時疾易馳幽况
自永酒罷擲笛興到賦詩至於童子欲睡主人
微疲意猶鬱而未暢也夫睽隔之情聚散之感
行歎坐愁顧影促步出門千里入室一心江流
日夜雲飛奄忽因而想想而夢與夫少而壯壯
而老豈有異致哉嗟夫樺燭逼曙瓊樹辭春俯

君雅以卜筮為事
不向似宜爾境

仰之間皆為陳迹欲留短景恐驚雞鳴因為長
句藉誌鴻爪云

近水樓臺樹影涼疎燈如夢且他鄉詞人壯歲愁衰老
我輩深交肯淡忘片刻團樂防月落殘宵歡醺覺城荒
酒闌漫作書空感此後雲天意正長

湖上紀遊同偉君詠笙

異地同遊樂湖光况眼前羈孤多冷趣蕭曠勝春船幽
極成詩境歡來仗酒錢欣聞離岸槳倚帽共看天
笑入歐波去橋迴起笛聲烟痕藏樹遠風意助歌清日
短防遊促雲昏與夢爭翻憐秋柳綠蕭瑟戀秋城
今日紅橋路誰來賦冶春閒雲催過客逝水感詩人野

潤低叢竹潮枯失舊萍行舟逐飛鳥回首一逡巡
振衣登蜀岡還至谷林堂出戶雁聲過隔江山色蒼受
風烟盪白將雪日頽黃更復移舟去尋幽任水鄉
人家過午飯幽景耐饑探水過朱闌北天圍白塔南新
祠誰俎豆舊地自瞿曇猶憶春遊日桃花擁一庵
寒色孤蓬重荒蘆暝色增投林鴉背日浴水鴨愁冰渴
飲甘村酒遲歸恐市燈他鄉休悵惘好景誤何曾

寄雨嵐

冬旭蒸薄晴煩惱暮冲澹罔從瞻顏色衣袂不可擊兀
兀坐孤館仰天啟書箴猶幸今年秋冷花欣共覽匝月
叙濶悰久鬱忽出窻犯曉即啟門倒屣髮垂髣清言無

住着味之勝。食攬撥冗。緬羲軒。尋暇校鉛槧。卅日白門
遊曠逸。助詩膽。一心虛過竹。兩人苦共菡。幽情我未戢
文戰君又敢。可惜命憎達。不復笑開領。昨日得手書。夢
我足顛顛。中宵尚記憶。情真語難掩。神魂通異地。文字
契同感。相交十五載。畧不俗情撼。乍見心疑晴。久別意
苦黯。墨花戀幻影。鏡花認餘蒼。每於分手時。江水視猶
欲離懷。不可極。寸寸結蒲莢。嗟哉讀書士。入學雉羅箭
高飛。涎寒寥卑棲。吁。軻軻奇彩鳳。久飢弱肉虎。猶耽氣
短黃金盡。心雄白石鑿。百務耗精力。寸念溢愁黔。為文
鬢髮蒼。刻楮頭腦領。微名如大廈。幾時立柱礎。徒然隨
桔槔。止艮而習坎。春紅褪。秋綠淡。日晡窮冬况。相

思呵壁氣欲嵌。八荒大寥濶。無處安竈突。不如慎貧賤
菜根且同噉

詠筌將歸先一日招同偉君放舟湖上晚至詠筌
寓樓書以為別

明日片帆江上舟。今朝湖上又同遊。西風冷作將離色
薄酒權消未去愁。孤雁共增天外感。啼鳥空憶月邊樓
冬山欲睡宜招隱。瑟瑟荒蘆夢影稠

酒帘同汪夢梧彥樹朱偉君

水驛山程客路遙。甕頭香滿共招邀。半竿欲趁斜陽買
一字翻憐淡墨描。春影遠憑楊柳畫。渴懷誰為杏花消
酒徒零落悲燕市。空向東風感動搖

水花詞同夢梧偉君

君不見橫塘水去日花光照紅紫誰知一夜西風來春
花褪落水花開妾顏如花易衰老君意如水妾難保鏡
中菱影失空青色香無處尋浮萍吁嗟乎冷入鴛鴦衾
凍合鴛鴦瓦勸君莫作聽冰狐願君且試看花馬珍重
今朝一片心明年及第芙蓉下

雨後順河集道中 丁未

年年楊柳館離情忽促行裝又客程龍氣深雲含雨色
馬頭濁浪走河聲出門便抱泥塗感捧檄誰聞薄宦成
道是杏花消息近春風席帽憶生平

曉發劉智廟有雨

愁心無着覺殘更抱夢登車犯曉行轅下昏鐙爭曙色
雨中春樹作秋聲酒懷浩蕩思燕市騶卒揶揄又鳳城
已是關山倦遊客舊時起舞愧雞鳴

黃村道中

邊氣隔圍墻
君王校獵場日高舒柳綠風健散沙黃春暖驚駝瘦途
遙惜馬僵壯心殊未已身世感明良

匹馬

五雲樓閣晚烟晴匹馬天街百感生誰遣春聲啼不住
年年宮樹有藏鶯

江亭

雄渾 原

誰同振易何時何
原

讀至轅下向以為物甚矣不
料下句乃更揚
原

冰花詞同夢梧偉君

君不見橫塘水去日花光照紅紫誰知一夜西風來春
花褪落水花開妾顏如花易衰老君意如水妾難保鏡
中菱影失空青色香無處尋浮萍吁嗟乎冷入鴛鴦衾
凍合鴛鴦瓦勸君莫作聽冰狐願君且試看花馬珍重
今朝一片心明年及第芙蓉下

雨後順河集道中

丁未

年年楊柳縮離情忽促行裝又客程龍氣深雲含雨色
馬頭濁浪走河聲出門便抱泥塗感捧檄誰聞薄宦成
道是杏花消息近春風席帽憶生平

曉發劉智廟有雨

愁心無着覺殘更抱夢登車犯曉行轅下昏鐙爭曙色
雨中春樹作秋聲酒懷浩蕩思燕市騶卒椰揄又鳳城
已是關山倦遊客舊時起舞愧雞鳴

黃村道中

邊氣隔圍墻

君王校獵場日高舒柳綠風健散沙黃春暖驚駝瘦途
遙惜馬僵壯心殊未已身世感明良

匹馬

五雲樓閣曉烟晴匹馬天街百感生誰遣春聲啼不住
年年宮樹有藏鶯

江亭

讀玉轅下向沙為物甚矣不
料下向乃更傷

原

蝶散五字可入攝句圖

原

錦字後

為鴉句寫各但情
系妙

原

城闕西山在空亭景未殊蛙鳴新葦活蝶散野花孤踪
迹醒前夢文章感勝途九衢好風日車馬各爭驅

魯五蘭岑一同過訪不值

燕市貴遊多錦車日日閉戶誰造廬今晨盥漱看花去

忽然委巷來通儒咫尺背飛似勞燕蘭岑寓蓮花寺佛
余居水月禪林

天睽隔愁日徂人聲喧嘈成一闕塵海那復聞讀書偶然

尋春掩卷出故人叩門空躊躇婆娑一樹古槐綠亂鴉

紛集知我孤彼此相思十一載丙申因梅伯
小庚識蘭岑不能把手

談斯須百年萍梗任風水良晤天合非人圖何勞醉飽

日相見但願心神常與俱

由京師至雄縣道中雜詩

幾度來燕市艱難僕馬知勞生宜夢苦塵想覺春遲彈

鋏翻羞劍探囊漸悔詩豐臺花事好人海感將離

風捲明駝影驚沙撲馬頭春聲消易水邊色起幽州綠

葦孤村店紅榴斷戍樓時清無垢埃何事抱先憂

城郭知何處車箱覺市聲客來村有犬春去樹無鶯忽

抱歸途感誰憐倦旅情為言玉川子花樣誤生平

官柳搖晴綠虹連十二橋驚魚跳網疾曉鷺下灘驕水

炭名心苦萍蓬壯志消回看天直北樓閣五雲遙

曉發富莊驛

蟾輝攝眾影幻此光明時健騾怒辭槽所向無然疑蒼

蒼原上樹孤烟繚繞之斷戍失老兵猶復揚風旗我從

錦字後

為鴉白寫各便情
系入妙

原

城闕西山在空亭景未殊蛙鳴新葦活蝶散野花孤踪
迹醒前夢文章感勝途九衢好風日車馬各爭驅

魯五蘭岑一同過訪不值

燕市貴遊多錦車日日閉戶誰造廬今晨盥漱看花去

忽然委巷來通儒咫尺背飛似勞燕蘭岑寓蓮花寺佛
余居水月禪林

天睽隔愁日徂人聲喧嘈成一闕塵海那復聞讀書偶然

尋春掩卷出故人叩門空躊躇婆婆一樹古槐綠亂鴉

紛集知我孤彼此相思十一載丙申因梅伯
小庾識蘭岑不能把手

談斯須百年萍梗任風水良晤天合非人圖何勞醉飽

日相見但願心神常與俱

由京師至雄縣道中雜詩

幾度來燕市艱難僕馬知勞生宜夢苦塵想覺春遲彈

鋏翻羞劍探囊漸悔詩豐臺花事好人海感將離

風捲明駝影驚沙撲馬頭春聲消易水邊色起幽州綠

葦孤村店紅榴斷戍樓時清無垢埃何事抱先憂

城郭知何處車箱覺市聲客來村有犬春去樹無鶯忽

抱歸途感誰憐倦旅情為言玉川子花樣誤生平

官柳搖晴綠虹連十二橋驚魚跳網疾曉鷺下灘驕水

炭名心苦萍蓬壯志消回看天直北樓閣五雲遙

曉發富莊驛

蟾輝攝眾影幻此光明時健騾怒辭槽所向無然疑蒼

蒼原上樹孤烟繚繞之斷戍失老兵猶復揚風旗我從

燕市歸衣衫塵已緇巍然黃金臺荒草空離披未易貧
賤心敢與富貴期當年讀書志詎為求名悲車箱夢無
着放眼天與隨遠星墮林樾殘鐙出疎籬夜氣不可收
惜爾雞鳴遲

荏平聽張香雲琵琶

香山曲新勝棋村以妻切勝

三年不聽琵琶聲怪爾未彈先有情墻頭殘月欲窺座
一絃一柱悲風生盈盈十五華年妙雲鬟已改當時貌
玉樹東風絕可憐語曲中那堪重聽淒涼調春烟乍動低
拂絃冷冷漱玉銀甲邊忽然手滑不可住雲崩雨屑喧
愁天柔若盤徑蛇亂似爭林鴉點點垣外柝烏烏城頭
笳心中何事未易說夜夜明月年年花此時舉杯酒如

水我亦天涯感游子鸞飄鳳泊爾同之去馬來牛人老
矣不是琵琶哀客已忘塵埃欲向琵琶語情復多慙沮
未曾天上歌霓裳誰從指上求宮商當年苦記第三拍
人間箏笛方擅場今日琵琶作何曲直是長歌能當哭
馬嚙空槽鼠鬪梁門外雞聲亦何促吁嗟乎圖中環珮
空留魂琵琶已誤王昭君欝輪袍曲幸未能琵琶不愧
王右丞如泣如訴悲好春不日不月驚黃塵曲終我亦
青衫濕何必蝦蟆陵下人

寄懷京師同人宋首專東蓮芬

衣上緇塵在蹉跎又一年歸雲空抱雨疾鳥不依天蕭
曠成詩境艱難蓄酒錢向來經世想青眼望諸賢

人物事妙以妙筆寫之
序及後仍妙在



門外無車轍浮雲散百憂人言真可信我相不當侯靜
覺長貧樂閒將短笛酬狂謔還自笑何用賦登樓
桃李春風幻芙蓉秋水寒不才增閱歷往事雜悲歡作
客芳時晚隨人定計難雄心羞看劍何止誤儒冠
斜日金臺下故人多老蒼幾番苦離別無計托悲涼風
雨雞鳴急江湖雁路長空留著契濶遷怒到名場
蓬蓜嗟游子江山歎寓公求名悔初志失計合終窮哀
樂中年近情懷曉月同舊時多太息咄咄屢書空
儼與良朋晤天涯獨寄詩微言深解事餘意苦修詞落
日孤懷鬱涼宵遠夢遲為吟反招隱努力答清時

莊生行 并序

莊生名清香字蘭生陽湖人性伉爽弗類樂部
子弟嗜飲一舉累數十觴不醉或佯醉作狂
語即又以意氣求友聲若忘現女身登場者京
師梨園以色藝擅盛名部各有人人各習一態
為媚馳馬呼燈散千金如土徵一夕歌者比比
而莊生獨以狂稱都人士若知若弗知但隨眾
目曰是亦子弟中佳者嗟乎吾曹所遭與莊生
曷嘗不相似高文大冊盛自期許而見者但隨
眾目曰是亦文人中佳者嗟乎豈不以狂與余
於戊戌夏識莊生一見亦大醉而莊生亦醉及
辛丑入都莊生齒漸長不常醉醉仍作狂語甲

辰乙巳余待試不歸間與莊生酒坐則不醉惟舉觴慷慨屬客曰不醉何酒丁未余將至都莊生乃預詢於人曰某何不來余至不三日訪莊生莊生見即曰若何今始來余五上春官凡七試能知余文章者益鮮試必來黜即去無問者莊生何知且余飲莊生莊生每代償值而預詢於人何也余既試謀先歸莊生聞乃邀飲酒酣則起而言曰若既習文詞以舉進士為業走馬看榜數日事耳安見必黜且若平頭將四十大夫人雖倚閭望時亦不可待脫若歸而中雋太夫人必悔丈夫顯揚之志勿論償否然逡巡愴

恍似戀似愬乃至去留不能自主非夫也恐亦非能體太夫人意者緩數日兼程行何如余曰已膏車付值矣莊生搯腕曰吾以臂上金條脫資若余曰若殆醉矣然余亦遂不行後八日禮部榜將出莊生復徧召余相識者飲其家酒酣則又起而言曰此別酒然時猶未也則出而探於門反少坐又出而探於市聞馬蹄聲則驚而諦聽毋許坐客譁自申至於漏三下足蹠蹶不安坐已乃舉觴屬余曰此真別酒矣若宜醉吾悔留若終黜不可留吾亦宜醉連飲數觥大醉而余亦遂行嗟乎事有非意計所及而致可泣

下者豈必論其人哉若莊生雖以歌事人余將
進而友之於是作莊生行

抽豪欲作莊生行悽悽惻惻生遠情言睛笑鞞眼底事
櫻桃街左春月明離合更番雜悲喜我識莊生十年矣
初見莊生歲戊戌纏頭十萬人傾靡共道魚龍晏行時
一花孤艷春含滋酣訶常恐珠衫熱變相應知金屋宜
宣南酒肆人如海壺籤欲促宵難待桃李無言隔坐驚
蘼蕪有徑何時采明日登場現女身折來楊柳可憐春
分釵儼抱烏欄痛按拍能傳玉茗神一曲陽關忽心動
翻愁裙屐香塵重碧玉梳妝肯效劉綠鞵結束皆輸董
我時騰蹕少年場踏訶不惜夜行觴三班子弟春常選

九曲房櫳醉易忘莊生莊生來何暮隔簾樺燭驚回顧
七貴傳呼大有人三生投契如逢故春風席帽困京華
芳草青袍愧酒家難高駿骨黃金價易得文章白璧瑕
莊生何必閱人少舞扇當筵獨傾倒噓背能教色界空
飯心不為錢神擾銅街金谷柘枝臺疊鼓垂鐙竹葉杯
從無五角六張事不待千呼萬喚來團欒燕市人如月
飄蕩豐臺花似雪共抱南華蝴蝶愁難忘北里驪駒別
別夢烟波望轉遙桑乾一水倘通潮已分重尋眉色換
祇愁再見鬢絲凋年年江海新詩本洞簫泣訴相思遠
花底秦宮艷想蕪柳邊張緒芳時晚鸞飄鳳泊一長嗟
失算還隨計吏車春夢關心拋白袷冬烘繫眼障紅紗

翻因屢走長安道。相逢親見何哉老。呼來大白。但澆愁
比似小紅。低唱惱前年。芍藥當階鮮。莊生兩度開芳筵。
聽鷓不作携柑想。走馬知逢看榜天。猜我歸心急。將母
膏車待冒黃塵走。遲莫心情一鏡花。別離况味。千絲柳
深言手進金叵羅。中年哀樂且高歌。縱疑西北浮雲幻。
莫羨東南孔雀多。請留三日空桑宿。豈無一日看花福。
何事先隨烏鵲飛。不能暫駐華騶足。丈夫四十將平頭。
士悲女怨春復秋。年華錦瑟聲中去。名字泥金帖上愁。
君看三月春如水。慈恩一塔矗天起。倘教消息鬧枝頭。
那須零落驚婪尾。嗟乎莊生何為哉。荒荒不見燕昭臺。
從來慷慨悲歌士。豈是驪黃牝牡才。青驄欲別還留住。

徘徊忍出春明路。我亦穿楊絕技誇。誰知刻楮年光誤。
空憐昨夜守更殘。燒盡華燈共一歎。模糊肯冀顏標錯。
評騭翻愁許。劬寬蕭蕭風意停。絃索茫茫月色淒。簾幕
已隔孫山一萬重。好音還盼蓬萊鶴。韓翅蠟燭少傳薪。
盧仝花樣已成塵。此情忍向莊生說。同是天涯淪落人。
春官從此休回首。歸來滿載江湖酒。嚼葉吹花味已無。
離鸞別鵲訝應有。鴛鴦三十六湖船。蟾蜍二十四橋烟。
眼中青白知誰識。皮裏陽秋空自憐。何似銀箏催客飲。
斜街燈火光明錦。一樹枇杷夢未忘。千言葑菲聽何忍。
君不見詩成梅子正含酸。肯作西崑艷體看。千金蕩子
今人有一个。訝郎知己難。

西澗書來問近狀

和詩
五章

依舊揚州月團樂奉母看白雲永瞻戀青鬢豈凋殘不
達文章悔能歸寤寐安匣中三尺劍鏞澀肯輕彈
夢醒春猶在閒中景物偏日高花意倦風定樹陰圓車
轍誰門外壺觴自几前不知塵埃內何事足情牽
無計離塵海羈懷入夜長燭心淒欲淚月氣肅於霜天
地多詩債年華付酒狂覺來孤枕上一笑仰空梁

徐松泉侍御師七十壽日賦呈即以述懷

黔山蘊靈秀勁竹凌霜堅我我徐夫子守道心有權仕
隱忽窮達鐘鼎名難鏤自我聽講貫勺水成重淵憂樂
天下懷日月壺中年嘗謂小子狂蜻蜻行肯前鑒其矜

慎心讀書能自全一氣重沆瀣許以衣鉢傳門墻十四
載貧賤恩如天

鼎不可柱車馬勿使守閭悔作古文章空向名場吁夫
子狂簡裁斐然憐我愚窮餓不自餒解以文史娛憶昔
沐時雨探得驪龍珠頗分一劍吼出類羞侏儒曾有攫
金事屢上乞米書誰知不成立出門空走趨夫子年七
十我亦將髭鬚

昌黎作師說解惑居其三弟子氣結轆生材非杞相顛
倒愧自縛讀書繭在蠶夫子下轉語謂當恣討探一卷
有千載譬諸虎視耽渙然待冰釋浩浩春波涵此意不
難解撮土皆層堪我乃率爾對無復由也慙佩劍冠峩

我嗟哉吾道南

佳辰歌生申凜凜戒令譽夫子居西臺意亦猶師儒當
夫抗疏時行志惟其初諫草雖久焚已入史氏書違山
十里外往往聞蟪蛄所以夫子心嘉名常恐誣和平蓄
道德保嗇齊榮枯鄙哉佛老寂甘此神仙懼梅花共歡
喜傲骨千秋腴時師主講
梅花書院

醉司命日夢中得醒後補第七句

華燭三更艷珠衫四座香臉紋花乍剪眉翠柳深黃共
羨驚鴻態翻憐墮馬妝歡場易蕉萃十載老平康

除夕東伯符兼示黃鐵庵錫慶同年

爆竹隣家逼夜闌一年好景又辛盤蹉跎身世閒中誤

刺促光陰醉後寬責負已成除夕例典裘能耐歲朝寒
故人同有回春想先向梅花着眼看

上元前五日薄暮登舟赴白門行三里遂泊戊申

出門烟雨早春天一笑疑乘笠澤船燈火忽增遊子感
笙歌不費客途錢鄰舫有
有歌聲官河夜色深無月孤枕塵心
頓欲仙已分今宵成別夢布衾安穩隔城眠

舟行殘夜

舟冷難成夢披衣聞柁聲孤懷春易覺緩水路休爭林
密鴉忘曙窗虛客盼晴不愁前路遠湖海有詩名

阻雨瓜州

船頭烟塔阻行程細雨孤蓬動客情岸滑渴思沽酒市

注有誤字

原

盼後小盼

原

州慮以洲

原

峩嗟哉吾道南

佳辰歌生申凜凜戒令譽夫子居西臺意亦猶師儒當
夫抗疏時行志惟其初諫草雖久焚已入史氏書違山
十里外往往聞螻蛄所以夫子心嘉名常恐誣和平蓄
道德保嗇齊榮枯鄙哉佛老寂甘此神仙懼梅花共歡
喜傲骨千秋腴

時師主講
梅花書院

醉司命日夢中得醒後補第七句

華燭三更艷珠衫四座香臉紋花乍萼眉翠柳深黃共
羨驚鴻態翻憐墮馬妝歡場易蕉萃十載老平康

除夕東伯符兼示黃鐵庵錫慶同年

爆竹隣家逼夜闌一年好景又辛盤蹉跎身世閒中誤

刺促光陰醉後寬責負已成除夕例典裘能耐歲朝寒
故人同有回春想先向梅花着眼看

上元前五日薄暮登舟赴白門行三里遂泊

戊申

出門烟雨早春天一笑疑乘笠澤船燈火忽增遊子感
笙歌不費客途錢

鄰舫有
歌聲

官河夜色深無月孤枕塵心

頓欲仙已分今宵成別夢布衾安穩隔城眠

舟行殘夜

舟冷難成夢披衣聞柁聲孤懷春易覺緩水路休爭林
密鴉忘曙窗虛客盼晴不愁前路遠湖海有詩名

阻雨瓜州

船頭烟塔阻行程細雨孤蓬動客情岸滑渴思沽酒市

注有誤字
原

州

城荒春冷賣錫聲本來形勢金湯固何必波濤鐵鎖橫
往日江關感蕭瑟壬寅夏六月夷船橫截江口七年前似庾蘭成

感懷

雞犬淮南易得仙浪言成佛與生天少年著述誰千古
異日功名選一錢老醜文真花着樹艱難事總石生田
從無鬼物為金術鴻寶休誇枕內篇

舟中醉筆得九韻

豐交之木久亦枯淄澠之水辨亦誣不如五城十二樓
迎來海上神仙居蓬萊清淺等閒事近日頗接麻姑書
叱石成羊極奇想耕雲呼龍愜真賞那復華嚴懼前劫
祇合鴻都署新榜醉中頃刻如天人誰知昨日愁未薪

突以其末身先震
訪筆、州不可名之

卅官及洲

八

向晚

無客同聽雨推蓬一浩歌烟昏江濤漲春冷酒消磨濕
鳥難爭樹閒鷗自點波暝鐘何處動向晚覺愁多

曉出瓜州

柁轉羣山動高帆勢建瓴雲移江樹白潮隱海門青入
世踪難定離家夢易醒忽生天外感歸雁不堪聽

江行

海上戈船影江頭箴策聲但知寬濟猛敢信盜非兵大
府休言利窮民自力耕治安有長策濁浪不難清
踪跡飛鴻感波濤洗馬愁事都隨水逝名悔過江留遠
樹藏村店春旗出戍樓壯心空擊楫身世歎中流

二詩似工部

原



城荒春冷賣錫聲本來形勢金湯固何必波濤鐵鎖橫
往日江關感蕭瑟壬寅夏六月夷船橫截江口七年前似庾蘭成

感懷

雞犬淮南易得仙浪言成佛與生天少年著述誰千古
異日功名選一錢老醜文真花着樹艱難事總石生田
從無鬼物為金術鴻寶休誇枕內篇

舟中醉筆得九韻

豐交之木久亦枯溜澗之水辨亦誣不如五城十二樓
迎來海上神仙居蓬萊清淺等閒事近日頗接麻姑書
叱石成羊極奇想耕雲呼龍恆真賞那復華嚴懼前劫
祇合鴻都署新榜醉中頃刻如天人誰知昨日愁米薪

州官及洲

向晚

無客同聽雨推蓬一浩歌烟昏江濤養春冷酒消磨濕
鳥難爭樹閒鷗自點波暝鐘何處動向晚覺愁多

曉出瓜州

柁轉羣山動高帆勢建瓴雲移江樹白潮隱海門青入
世踪難定離家夢易醒忽生天外感歸雁不堪聽

江行

海上戈船影江頭箴策聲但知寬濟猛敢信盜非兵大
府休言利窮民自力耕治安有長策濁浪不難清
踪跡飛鴻感波濤洗馬愁事都隨水逝名悔過江留遠
樹藏村店春旗出戍樓壯心空擊楫身世歎中流

酒薄

天塹雄圖罨畫間荒蘆繚曲一舟灣和風碧動臨波柳
斜日紅生極浦山酒薄忽知人世味詩多翻羨客途閒
浮踪頗悵東流水渺渺滄江去未還

和雨嵐見贈元韻

相看無計挽華年如此江山各一天閱世雄心隨水逝
懷人孤夢入春圓及時鐙火原非幻彈指樓臺便是仙
何必升沉更悲慨且吟詩句付雲箋

附雨嵐原唱

無端分袂又三年淒絕風斜雨細天屢別何堪人漸
老相逢好是月初圓挑鐙把盞渾如夢入市吹簫那

得仙一見快吟江上句早春雲物滿華箋

賈秋田丈招同翰卿雨嵐偉君蔗香詠笙飲屈子

祠醉後擊鼓吹笛歌與酒間乃為長篇記之

春螺隔樹鍾山青樓臺水石烟欲局三問大夫何至此
舉酒問天天無靈諸君飲我我獨醉醉來愁憶人間事
四十功名余年三十八拾瀋同讀書安得行吾志江頭梅樹
垂垂開香風飄突淮南來故人蕭瑟少春氣中年哀樂
摧清才擊鼓吹笛勝絃索觴政一杯間一曲余與雨嵐
蔗香皆歌

文章神味入歌聲翫醜情懷雜歡謔虛名空挂黃金臺

時調難工白翎雀諸君今日皆浩歌使我聞之當奈何
異地無從拾香草同心祇合居山阿結綺樓頭麗人杳

清福未足尤佳

原

鬱金堂裏少婦老。欲着羅綺。嬌上春珠。喉悔不知音。早
豈無膏沐芳澤。光嫁女。那得配侯王。吾曹守身。但守黑
世間塗額。爭塗黃。何必向人復開口。須識此中祇宜酒
華燭既陳。瓊漿紛靈旗。閃爍招魂。有君不見。塘水差差
疑汨羅。今宵不醉愁更多。孤帆江上。思良會。明日東流
感逝波

秦淮感事

江山春氣入琵琶。樓閣新陰。夕照斜。金粉消磨。花事改
不堪重問。餅師家
瑩篴學憶十三時。十五盈盈。解弄姿。今日門庭。長春草
可知。我已鬢將絲

着地紅鞞。舊日妝當時。華燭艷星光。才人落拓。佳人死
空向東風舞一場
芳時風雨。易摧殘。夢影摹從醒後。難衣上。花陰釵上月
當年悔不畫圖看

阻風燕子磯

下水船難恃。淹留感逆風。潮隨春氣潤。山覺靜時雄。負
手津亭晚。回頭遠樹空。來朝順流去。安忍說途窮

曉登燕子磯

長江如帶一磯雄。滄海東頭曉日紅。天塹勢真南北限
波濤聲自古。今同雲陰變幻。三山香王氣消磨。六代空
我欲乘風便飛渡。荒洲春水入迷濛

老河涇夜泊

○蒼烟罨叢桅天暝大星上江聲浩不收孤蓬覺春盡千
艘據魚鹽舟較利誰掌傳聞良莠雜波濤久伏莽沙隄
吹角聲警客亦堪獎不然夜潮濶舍此又安往燒燭破
童睡束衾如束襁船頭亂山影微茫不能仰人生艱住
着步步憂震盪滄海雖無波敢縱寸心想合眼思家人
庭院極幽敞誰知洪濤中一葉自傾蕩險巖非足虞羈
孤孰堪仗尋常行路人禱豈有神享因之倚枕歌冥然
銷萬象不達怨長夜能安樂平壤翻恐登岸時作詩易
骯髒

偶得

一
夜
字
似
宜
換

憑將薄酒遣芳晨醉後翻疑夢影真楊柳離情春似客
杏花晴態艷於人判曾無寶劍堪酬世祇覺儒冠不誤身
消盡才華宜學道台癡應可慰慈親

酒器篇

偉君畫酒器數事欲見贈為英三奪去轉以索
題戲為此篇兼示偉君

物各有主今不然請君讀我酒器篇巧偷豪奪等閒事
我所憾者機不先偉君下筆自怡悅慷慨翻恐唾壺缺
當其斤斤窮雕搜高者為甕低者甌忽然風雨逞怪變
一一攝向毫端收可以使我醉可以使我醒呵壁那慮
金尊空隱几常愁玉斗碎五升散一石壺青州從事黃

醉醒二字互誤
原

公壚生平嗜酒不擇器每行觴政惟狂呼士也側尊禮
用禁賓筵見之時胡盧春郊走馬宜偏提銀花不落爭
相携又或手倒金叵羅琵琶聲急燕姬歌何必劉景升
三爵各以伯仲稱何必李適之九品中有瓠子卮盃閒
盪盪隨處有偉君畫器非畫酒酒不能畫器無用醉膽
輪困虛一闕君今奪去何為哉我家自築糟邱臺君亦
大戶我不憾不是明珠忽投暗我所憾者機不先萬事
棄置如雲烟趙璧之求惟其人楚弓之失存乎天拙者
抱甕心在璞智者挈瓶心有權廿年顛倒歎酒國長鯨
一吸別無得尋常據地百不辭便為牛飲呼狂客本非
已有取不宜宜我妙手空空兒看人捷足亦平等未必

獨醒非知時君不見事有將然或不果此畫偉君言贈
我

清明雨中湖上

嫩鴨衝波礙櫓枝一船如夢客來遲閒雲作意成春影
插柳人家欲雨時

桃花已是落波紅百六光陰逝水同今日清遊轉惆悵
芳時無計避東風

罄玉山頭有麗人鷓鬢十五可憐春曾言生小湖干住
手折芙蓉妬洛神

錦衣花帽鬪春妍一笑爭分白打錢何似雨中學鷗夢
蕭蕭蘆葉已秋天

江上自多驃騎航海門天險不須防吾儕何福能行樂
驅使青春共學狂

大酒肥魚一飽難拌將苦茗敵春寒俊遊不惜青袍濕
芳草如天趁雨看

惜少人調銀字箏意中歌吹不成聲扣舷偶一作低唱
已有鷓鴣船外驚

近時誰賦冶春詞老鐵花遊別見姿一樣紅橋負佳節
石泉槐火夢相思

夢湘入粵三載今歸未匝月又將赴粵矣難乎為
別作長篇書團扇贈之

壯夫行役不擇地一至再至有深意南海知己今大臣

謂葉昆臣中丞况君鬱鬱懷利器腰間寶劍秋水寒照人腹內

惟心肝波濤蹇慘自忠信偶一咳吐蛟龍歎艱難家關

易衰老動足下牀出門好不許窮愁讀書史祇合風塵

致枯槁君今歸來非夢中與我醉倒琉璃鍾尋常不令

樺燭炬倏忽便恐浮雲空轉眼嗟我坐大扁逆流一任

滄江東精神保嗇何為者與人成功看驄馬我亦男兒

願作健有母安能辭牖下文章唾棄甚芻狗詩句哀傷

變騷雅山中薇蕨多雪霜轉苦作甘心茫茫昔年京師

共騰蹕但知得意惟文場海內知交總歧誤今復何望

頭髮蒼坐看歲月去如水太息君猶走萬里金鞭能展

騏驥足一顧悲鳴實歡喜使我對君發浩歌飢飽勞逸

江上自多驃騎航海門天險不須防吾儕何福能行樂
驅使青春共學狂

大酒肥魚一飽難拌將苦茗敵春寒俊遊不惜青袍濕
芳草如天趁雨看

惜少人調銀字箏意中歌吹不成聲扣舷偶一作低唱
已有鷓鴣船外驚

近時誰賦冶春詞老鐵花遊別見姿一樣紅橋負佳節
石泉槐火夢相思

夢湘入粵三載今歸未匝月又將赴粵矣難乎為
別作長篇書團扇贈之

壯夫行役不擇地一至再至有深意南海知己今大臣

謂葉昆
臣中丞况君鬱鬱懷利器腰間寶劍秋水寒照人腹內

惟心肝波濤黯慘自忠信偶一咳吐蛟龍歎艱難家闕
易衰老動足下牀出門好不許窮愁讀書史祇合風塵

致枯槁君今歸來非夢中與我醉倒琉璃鍾尋常不令
樺燭炬倏忽便恐浮雲空轉眼峩我坐大扁逆流一任

滄江東精神保嗇何為者與人成功看驄馬我亦男兒
願作健有母安能辭牖下文章唾棄甚芻狗詩句哀傷

變騷雅山中薇蕨多雪霜轉苦作甘心茫茫昔年京師
共騰踔但知得意惟文場海內知交總歧誤今復何望

頭髮蒼坐看歲月去如水太息君猶走萬里金鞭能展
騏驥足一顧悲鳴實歡喜使我對君發浩歌飢飽勞逸

皆蹉跎。一寸荒田不可得。天下之事煩憂多。入世都堪報。聖主君雖離別亦何苦。眼底真逢藉手人。高卧山中安足數。

丙午七月二十二日雨中偕雨嵐飲詠笙家度曲

今年此日又雨而一江遙隔矣書寄雨嵐

前年今日雨絲絲。擷笛同君唱柳枝。良會當秋無倦客。才人失職有窮詩。陰晴未易知天意。離合真難解夢思。一樣瀟瀟簾外響。空因晚晚惜芳時。

菊垞自白門來將赴袁浦登岸話舊一飯遂去輒

贈此作

瀟瀟酒渴養仙根。舊夢難尋十載痕。與我相逢秋正老。隨人涉世道能尊。江湖萍蕩哀鴻感。鄉國流離客燕存。白門大水余居揚州一飯忽忽驚落日。那堪分手說消魂。

贈崔二附傳

崔二名萬吉揚之邵伯人業操舟由揚至省月三四例為人寄書便於郵至省人爭以書畀他舟傭怒且妬而畀者益衆至揚亦然凡四十年如一日方余居省時即識之余時年未二十以為舟人也迨余居揚年三十矣崔二至則心異之崔二有父年八十有弟死有姪二皆幼崔二傭於舟能贍養不怠終身不娶問之曰吾父老

弟死姪且幼弟婦計於家吾傭於外弟婦以吾
得錢能活家則賢吾娶脫不賢則弟婦懈而吾
不能內顧則奈何崔二言如此未嘗曰吾將以
養吾父撫吾姪也既而弟婦死姪漸長則姪計
於家而崔二傭於舟如故初崔二月必三四至
忽月餘不至至曰吾父死矣色悽愴甚哀俄而
又携其次姪至姪依肘下如父道光戊申崔二
年六十七矣貌如五十歲時姪之長者已娶與
次者皆傭於舟崔二曰吾事必矣遂家居不復
出

論曰操舟涉江至險習而忘者衆矣若崔二以
至險之業養親夷然不知為操舟者四十年無
傾覆憂何歎吾聞聖人言惟忠信可涉波濤况
孝乎假使居安履順吾知崔二必非以富貴遺
親者也

相士今方愧江湖大有人爾曹獨忠信斯世共沉淪那
用文章美翻憐孝養真蘆中窮亦好與我契前因

送偉君歸廬督學使諸試

己酉

匆匆一舸冒春寒着慣青袍夢亦安生計能教名士賤

選場肯為秀才寬依人况味歸心急悅世文章下手難

我已中年近哀樂不妨必別勸加餐

得柘香書却寄

此等詩家自有因
想亦以其人因之也

若曰字飲者曰
字の節

王郎拔劍漫哀歌似我江湖可奈何
徧數交游經世少
本來憂患讀書多才名祇覺詩堪悔
市隱誰知鏡欲磨
負米心情差慰藉廿年隨地未蹉跎

同人邀飲湖上送田荻傳全誥入都

江海萍蓬又一年紅橋柳色聚春船
耽閒肯讓鷗依水
望遠驚看鳥下天共對晚風人易醉
獨辭明月夢難圓
不知騎馬長安日可有新詩寄錦箋

題憶秦淮圖

有序

道光己酉端陽雨中招集蕭唐卿人官張海槎
大鏞朱偉君琦顏生藕舫浩鄭生虎卿雲官飲
拳峯館偉君作憶秦淮圖彼美何人斯景難得

意無住着心焉慨傷自河伯肆虐盪環珮而凌
波勝侶阻游委金粉於逝水無三日不雨知楊
柳之如烟看九曲疑江歎芙蓉之難采嗟乎誰
家碧玉如此青溪奈鶯燕之流離况鴛鴦之飄
泊似我江淮萍梗未忘門巷枇杷幾時桃葉扁
舟今日榴花令節無可奈何之感祇覺愁深必
不得已之心請以詩說

哀樂頻年悔踏歌記曾媮醉炙紅鵝柳絲藤蔓春痕在
如此江湖可奈何

樓臺如夢雨絲絲誰復親題壁月詞料得潮痕漾簾脚
吳孃船又送楊枝

意中訝管可憐春爛汗雲屏夢不真空有叢蘆掩門巷
誤他桃葉問津人

飄流環珮憶天涯懊惱詩歌亦自佳呼酒不來燈未上
淡烟疎雨畫秦淮

送蓮芬之官成都

有序

道光己酉仲夏五月蓮芬將官成都是行也益
州則自漢稱雄別駕則於唐屬郡當火種刀耕
之地負繭絲保障之才驥足之展庶有豸乎夫
丈夫非擇官而居君子以行義達道佩刀可贈
前箸快籌琴鶴羨其初枕雞黍堅以後約里門
祖餞頌語交紛已僕送人作郡不解擲揄臨別

贈言空餘慨息恃深交之似水驚舊夢之如雲
龍威鴻烈之篇憶同討勝燕駿楚鷹之感常共
爭名自維楊朴詩人誰是虞翻知己銅街金谷
少年挾彈之豪檀板銀箏俊侶催歌之悔文章
唾棄歲華不居憂患頻仍風雨如晦迢迢京雒
寂寂網官浩浩江淮年年遊子我懷如醉尚何
言哉嗟乎大澤魚龍君將行雨故山猿鶴我欲
耕烟感遠征於今時憶前塵於後日因為短律
雜以長言不妨語涉哀豪抑亦情深埋暖矣所
願昔難今易堪停蜀道之雲唐陸暢明方孝孺有蜀道易詩那
須欲別還留空戀揚州之月

一第何堪待乘時且服官心雄言別易交久贈詩難才
豈塵中老天疑劍外寬由來西向笑那必定長安
折輩論文古天涯好弟兄相逢每燕市起舞共雞聲楮
屢三年刻碁猶一着羸君看春色麗翻在錦官城
入世吾才拙艱難奉老親文章真失計俯仰敢隨人祇
覺歌詩樂誰憐負米貧舊時同學者宜我困儒中
招隱他年事山川感勝遊此行豈初志吾道有深憂廉
吏情非矯才人仕亦優官成應念我分手在揚州

再贈蓮芬

宣南風雪酒家胡醉倚紅簫聽鷓鴣才子詩名歌扇在
美人心事聘錢無呼龍誰與耕瑶草彈雀何堪失寶珠

祇合捉將官裏去錦江春色不模糊

寄伯華京師

黃金久不憶燕臺忽漫相思轉自猜惟我故人勞夢想
更誰知己寄書來時得伯華書已忘西笑猶生感但讀南華
便悔才如此滔滔東去水江南大水江關蕭瑟賦應哀
月明二十四橋東誰與吹簫唱惱公呼作酒狂真失笑
已為詩誤不言窮看花心事春將老負米情懷日正中
自分蓬萊無位置竟書苦語托征鴻

秋夜月下有感

風戛疎簾月上時流雲縹緲露華滋青鐘消息空無着
白紵情懷慧有詞鏡裏年光秋影幻燈邊愁味夜心知

閉門學道渾難事，獨望遙天雁到遲。

瓊花無復望揚州，明月依然照上頭。似此夜情疑出世，何來秋氣欲登樓。畫屏綺思和衾捲，團扇詩名付篋收。失笑南飛烏鵲影，繞枝誰與共勾留。

偉君見和前韻疊韻奉酬

久拌晚晚負芳時，垂露羞誇采筆滋。浩蕩江湖鷗自夢，別離風雨燕何詞。秋燕如客，偉君亦有情。涕淚文章，悔無益。低徊爾我，知賀老琵琶桓子笛。廿年翻恨聽歌遲。誰與登高望九州，不堪疎柳折江頭。閉門秋士空悲鏡，失路才人合倚樓。自分疎狂詩未悔，已忘恩怨劍須收。流民圖籍君休畫，我亦天涯審去留。

詩成餘意未盡，再疊示偉君

賦成鸚鵡不逢時，愁緒真疑蔓草滋。秋氣難消詩外感，豪情空憶酒邊詞。但工惆悵花應笑，已悟盈虧月未知。何必夫容江上采，美人憔悴恨來遲。

翻新樂府唱涼州，入拍邊聲又換頭。似我詩歌宜出塞，是誰風月不憑樓。傭書心事真難慰，破甑功名未易收。長劍陸離衣短後，出門無地許淹留。

偉君再疊，未來復以詩促之

宛轉絲抽獨繭時，物生有象象生滋。三年刻楮成秋夢，一笑拈花悔艷詞。北里歌聲鶻欲泣，南華心迹蝶應知。苦吟翻恐枯僧覺，已隔微塵棒唱遲。

那須烟點數齊州東海分明許掉頭自笑羈身難縮地
誰言彈指易成樓有情明月千花仰無定浮雲一雨收
唱到陽關三疊尾故人名悔過江留

既三疊前韻示偉君而偉君已寢乃置詩枕側而
返因濡殘墨戲為四疊遲明示之

金壺殘墨正濃時珠玉休嫌唾點滋錦瑟華年書舊感
洞簫私謚證新詞噓雲氣力看龍矯警露心情許鶴知
跳出一篇皆絕倒呼鐙還恐賞音遲

獨擁詩城斗大州不須丁卯古橋頭攢眉肯懼人間社
吐氣應成海上樓月盡忽來珠采照峯青初覺瑟聲收
夢中仍欲尖叉鬪急足傳箋枕角留

五圖和偉君聞琵琶

泠泠銀甲撥弦時忽漫青衫涕淚滋樓閣新聲鐙有影
江湖殘醉客無詞為誰挑抹心如訴似此淒迷怨可知
料得玲瓏雙指爪年來入世悔應遲

分明笳鼓動邊州絕塞青蛾泣馬頭一片宮商新樂府
十年風雨舊訶樓有情絃柱隨聲變無着悲歡借夢收
悵望知音終老大空勞鸚鵡小名留

琵琶四首同偉君荀叔

檀槽邏杪界鷓雞宛轉隨人倚碧犀金撥琤琮雙指澀
玉簫嗚咽一絃低同心絲竹闕哀樂滿腹宮商雜笑啼
盡取新詞翻舊譜曲終楊柳又烏棲

四章咏物
唱會我後之
後細不已

是頭人影隔簾看碎珮叢鈴揜衷彈折柳心情傳不易
落花時節聽原難江湖老大聲初變燈火淒迷酒未殘
纔信四條絃子上天風海水有波瀾

崑崙高手一長嗟風雨街東有暮鴉抱此便應甘白首
按來無復望紅牙絃絃春語鶯將倦瑟瑟秋聲雁欲斜
絕代蛾眉猶馬工那須憔悴感天涯

愁來細譜玉瓏玲差勝關山倚醉聽一曲風沙消鬢綠
廿年涕淚剩衫青彈將古調冰難語撥到么絃月易停
猶幸鬱輪袍未唱霓裳端合叩雲扃

伯華書來以寄詩幽憤為戒賦此奉答

風詩三百篇發憤所為作因境生真情幽傷不自覺深

山匿虎豹文彩時騰躍彼其視草莽風烟皆束縛偶然
肆叫嘯雖壯亦蕭索豈知浩蕩心天籟杳無着善鳴假
之鳴神遊極廣漠莊生靜性言得止乃康樂賤子夙慨
慷了不計泰約華心一傾瀉戶庭頓恢廓有弗適於意
偈仄夢鄉虐客氣所不居是真天未鑿學道戒幽憂何
如縱杯杓一醉能通靈獨醒翻鑄錯不然強作達達人
實堪矍明明菽水艱兼之苦飄泊四十猶無家賃廡婦
顏作鳳皇盼千仞龍鯉惜一角秋水湛出匣無地許劍
斫積滋骯髒懷常恐笑有鸞傾吐惟向君君言復齟齬
愛我竭其誠知我但其畧泡泡江淮波塵心幾時濯巍
巍幽并山奇氣那可削我非妄悲慨君勿輕錯愕古之

傷心人懷抱別有託

八月晦日鐙下聞蛩用黃仲則少尹天都峯詩原

韻

羣籟肅秋氣但覺蛩聲高薄暮作淒哽靜與涼颼遭孤
驚向誰說萬感爭來朝我乃悄焉受一意為之標唧唧
堦下音浩浩海上濤霜威殺苔蘚欲萎柔如毛此時聞
雞心起舞條不豪誰與鑿靈竅未許真宰韜初更已發
響漸至斗轉杓不覺縱愁心隨聲相與遨溺情弗少斂
醉人逾楚糟乍斷且猛續風露冷然交頓使庭院幽恍
惚低烟霄由來一隙中種種憂有苗么麼亦何知草木
依天喬乃有同調求情深甘煎熬月黑燈光清起視天

似仲則

蕭寥

水災詩十五首

句中有淚曉底有升

天心萬仁愛理數中爭權登高望九州萬物方普然災
稔既洊臻斂手衆目眈齋心潔祈禳垂戒忘庚先運本
平陂循機况感召偏患氣中泄杳早不憂心煎

去年夏六月陽侯方肆威今年五月交海溢江橫飛狂
飈扇淫雨畧不參淫澍雖陳戶牖詩桑土瘠不肥瘡痍
苦未復舊痛兼新悲弗及防流離條已田畝危浩浩魚
龍奔茫茫人民非

悲哉八十洲

沿江八十三洲皆漂沒

慘甚儀與瓜萬竈昔有烟一

水今無家雷電風雨潮精靈陰攫祭當其喧阗時不聞

起十字包字

象有

當与巨室南苑
鹽販并傳

辛端九畫

千人譁死者甕中鼈生者井底蛙乃至睡夢驚狂呼無
孃耶遂使裸程亡飽啖供魚蝦得樹爭一巢繞枝紛飢
鴉斷隼集數人就濕觸怒蛇糗糧碎未携衣袴驚未遮
婦猶詈申申兒又啼呀呀是時狂瀾聲震蕩茫無涯天
黑鬼火青閃出濤頭花即此一俄頃漂没人如麻
不舍况晝夜凜焉時洶洶三日聲未衰魂隨江流東逮
至四五日側搶米船紅片壞如神山欲近驚回風幸而
蟻緣上不幸鶻落空中有初生兒亦有垂死翁失脚同
一呼浪捲悲無踪欲哭饑腸鳴掩面依孤蓬
孤蓬放中流漭漭無遮攔搶攘舟中人欲坐眉皆攢兒
死母尚存夫在妻已單揮淚無異情各自成悲酸三日

不得食半菽充一餐八口幾全亡數人共一歎死任鮫
鯀吞生冀燕雀安境不計貧富夢不求團藥惟有撫膺
痛忍復回頭看迨入郡城門驚魂猶波瀾

援手非一舟拔報來往艱死散各存歿遇救又已瘞仰
瞻埤堦高猛覺生入關生亦不足恃命久如草菅一息
貪苟延九死驚老孱敢望城中人施濟無偏慳不圖官
紳商與士同淚潛激此惻隱心好義如轉圜螻蟻戴深
恩一粒逾邱山因广况為屋廣厦千萬間

廣厦一彈指華嚴見樓閣

設廠於天寧
建隆諸寺

頃刻舍衛城布

施及餅臙風中哀鴻聲鐘磬亦間作初地了無遮爭先
願棲托急豈論禮讓飢尚有強弱同此炎熇中搶攘恐

易紳往工管筆
飢民

往年辦賑糜耗
衆刀中飽胥役
各利死者止等
此訂乃空錄也



無着倉皇起怨怒顧瞻雜悲樂渴甫得水漿飽且恃
餽官雖使吏未紳亦遣僕約嗟哉安集難荒荒日已落
偷安非衆心暫幸脫飢溺男婦各一隅偏仄艱起立紛
紛蜂聚衙心似馬伏櫪朝得按口錢暮飽過時食浸淫
暑生癘肌瘦面黧黑懷中蓬頭兒鬍鬚有鬼色衰翁病
蹒跚動轉但依壁間逢戚友未盤飧暫周急奈此萬千
人悲聲同一泣回思舊室家釜甑不可覓往年未登場
歡喜得休息絲粟忽不保那復念衣飾豈無挾重家胠
篋日防賊誰知泉流空仰面向人默理本有盈虛數况
有生尅浩劫雖無分亦足動警惕
平日厭梁肉今日甘水漿一日方倖生三日旋死古庸

醫肆毒手萬人試一方因藥翻無生何如終水鄉猶能
隨波濤戀戀依爺孃桐棺不三尺頃刻齊彭殤朝起方
苦飢迨暮已北邙蒼昊高無言行路皆感傷我非木石
人聞之真斷腸

猶幸淮南區雖敝仍魚鹽義賑得十萬官吏猶能廉非

無侵蝕憂立法防私偏胥徒染指心環伺空流涎湘皖

與吳越今年同悲煎補救知何如急迫驚當前昨聞七

保危河督劄六堡
七堡倖安清淮難安眠又聞昭關議開昭關
壩未果

日愁魚遊田此間有災衆上游心所懸江海既漲溢湖

河愁牽連此水無歸墟何以能晏然制府亦鎮靜駐制府
昭

待關壩縣令知經權謂高郵牧
魏默深源河臣急變計不惜捐金錢

揚郡西達四維多
瘠土誘云山田得
一熟洲圩煮一粥
似宜得西山二百冊

探原之論可以
風矣

五壩未全啟六堡劇亦堅或者一心志人力能回天
所惜積貯空米價日益高官雖亟平糶市賈陰阻撓藉
口待商船無計窮猾豪回視常平倉蕩然鼠亦逃此時
催科心一歎惟波濤西山富田畝十萬皆腴膏詎少積
穀翁鍵戶憂心切非不動惻憫難與官吏要今日慨輸
將明日恐繹騷倉卒誓能廉誠信素未昭街頭日呵殿
何事真勤勞溝洫久閉塞輿梁非堅牢臨時或捕蝗先
事誰伐蛟百廢未一舉漸至元氣彫患至為之防欲割
刀難操譬諸治亂絲萬繭不可縑吾儕縱出粟感激因
食毛嗟哉富鄭公千載何遙遙
捐賑不可恃災侵實無常富民踴躍心頻年亦難償大

吏出清俸博施徒傾囊當知重職守治具宜畢張不忍
有實政察吏方安良悃幅似拙鳩便捷多貪狼才志官
所重仁愛民所望由來培本原官不為民殃重農務貴
粟詎在能救荒救荒無善策况未儲倉箱願存父母心
視民常如傷天心易悔禍和氣能致祥諸君賢豪間輸
誠酬吾
皇

請看今年災竭蹶窮才能當此大創後百務皆難勝鹽
筴既凋敝華侈還相仍萌芽伏患氣醉飽方普騰窮奇
與暴殄中非隔微塵即此一隅地倚伏誰兢兢因思九
州內安樂皆難憑雖知同吉凶見義能奮興感應當不

爽禍變常無因宜求人心安勿恃天心仁願得賢宰官
教養風還淳

步出北郊外肅殺初涼天蕭然災後民瑟縮衣思綿官
來諭之歸水落家有田不惜按口貲八百青銅錢人生
重恩義活我真如天再拜泣不言隱隱含憂煎廬舍既
漂沒骨肉兼非全未時尚有妻歸去厨無烟兒方戀城
市父又涕泗連艱難飽一飯辛苦空三年此時梁稻謀
仍在荒江邊隴畝懸波臣敢恃官吏賢商飈侵肌膚鷄
結衣難牽雖有索陶心茅屋東西偏野人夢與塊故土
空言旋

天子

淮涸盛時籌
款不難求其
長久則難化
郡籌金言多
而往之終始其
事淮在不能
也蓋業饒者皆
南徐大賈本無
維森之謂司事
者先挾邀叙之
欲飽即馳去大
率有於此

詔蠲租父老一歡忤騰黃官衙前窮鄉詎未見當今亟
更始本原在州縣浮收法既嚴額征民自便耗羨貪易
防爪牙勢難斂既已憂年凶又恐傷穀賤調燮陰與陽
躊躇常與變忍竭萬脂膏輕縱一歡讌挽回在廉恥寬
猛足懲勸誠心苟不欺古治亦堪驗識字中有憂素位
外無願鬱懷多慨慷濟物愧貧賤生逢
堯舜時愚忱尚堪獻

自春間西澗還白門尚未見也因寄此作

衡嶽歸來興若何相思依舊隔烟蘿有心學道憂方大
無意求名樂已多家關艱難共蕭瑟江湖飄泊且詩歌
年來頗悟離騷旨香草惟宜種澗阿

余年十七貧無燭奉母守篝鐙讀書因為曉燭賦
藁散失不可覓今從破篋中尋出因為一詩賦
錄於後

吐鳳無靈夢正長
九熊有味苦難忘
老親依舊看兒讀
一樣青鐙鬢有霜

曉燭賦

照夢兮將殘儼歡醮兮昨闌乍淒風而留美
倏閃星而刺九美人心欲曙蕩子路翻難蠟
盡愁如夜灰存淚未乾感飛蛾之已燼共鳴
雞而一歎息爝火於東日惟篝鐙之耐寒

送伯符令清泉并以述懷有叙

叙極洋雅似
南遊集序

道光己酉夏六月伯符謁選人得湖南衡州清
泉令秋九月還揚州冬十月將束裝於是伯符
有父母斯民之責矣宗衡乃起而言曰周官有
縣正各掌其縣之政令抑又聞之凡縣萬戶以
上為令漢制則剛毅多畧遭事不惑者任畿輔
縣令縣令職綦重哉衡州古湘東衡嶽歸然昔
官其土者漢之龐士元宋之張齊賢以若明之
林允宗翁世資聲施爛然赫若前日伯符茲行
其毋愧於往哲與今天下鼓腹自鶩雜然而并
進奔走文貌甚至貪詐巧捷以一官濟其私而
吏事則雖位弗知律令敕式未嘗不口講指畫

不若用後漢書
一語較詳

然所以克副其官者迂而弗習伯符官矣當言
官乃不言其於律令敕式若未知者衡乃恍然
於司馬光之言曰士能知道義自與法律冥合
若其不知但日誦徒流絞斬之書習鍛鍊文致
之事非所以育人才厚風俗是古所重者在彼
不在此而伯符固必有以副其官者矣衡與伯
符交且十五年相好如弟昆又伯符愛重衡知
衡於縞紵遊醺朋儕酬接無傾邪其或不適於
心則拂然不見於詞而行而骯髒悒悒但自悲
慨不敢告人乃至伯符或以意拂拭而保護之
衡亦未嘗若為知者而伯符亦終不言其所以

拂拭保護也則是則不可謂不知衡者矣蓋伯符
所以交朋舊者固如此湘江沅水之民其亦有
日受拂拭保護而不自知者乎夫士伸於知己
絀於不知己衡雖日絀於世而伸於伯符者既
十五年自茲以往沅芷澤蘭思美人於香草鳥
鳴伐木賦故舊之樂訝山川無間金石不渝以
衡之不忘伯符知伯符之必不忘衡也夫何離
合之足憾哉然而風雨一心形聲兩地矣父母
斯民之責友朋昆弟之情蓋均不可以無言故
既叙以為別且贈以詩

肝膽鬱春風扇物自蒼蒼君有陽和心與我共真宰相

逢燕臺旁一見欲千載腰間懸寶劍脫手贈不悔由來
十五年神明未遷改臭味一窮達鬼神鑒非給君今向
瀟湘我夢及蘭芷

一官非初心祿養知艱難推此父母懷物我皆喜歡衡
山何崔巍湘水多波瀾豈無利濟心舉手思儒冠俗吏
非吾曹小試先求安賤子善頌禱但願勤當官故山有
猿鶴時向塵中看

我懷將如何四十老孝廉余明年四十長安騎馬心蕭然依

蒼兼世情既冰炭物理忘飛潛華年不騰蹕徒使途人
憐途人方躑躅有欲誰能厭因之閉門坐浩歌翻沾沾
沾沾雖自喜瓶罄終憂煎

有母戒遠遊張君登舟行舟行大江隈閉鷗知前盟前
盟誓不改離別翻所輕人生常聚首何由見深情況我
歲寒侶從茲多令名交遊有光寵擇友矜生平迢迢回
雁峯一往心如傾

初冬夜坐用顧亭林秋雨詩原韻

孤燈挾霜氣含先生冬心江湖浩蕩懷厭倦歸山林北
郭多流離蟄伏悲城陰俯仰愧溫飽理數羞推尋讀書
不濟物文章徒高深宵長華髮短待旦愁難任寒風吹
大野莽莽迷遙岑我夢魚龍驕感歎成孤吟精魂窮垓
埏閭然萬籟沉深省念飢溺殘柝餘哀音

感興三首

留次浩

錦瑟知佳人一彈春風生庭廊
衆花氣飄突香難名昨
歡為君極今恨因君成茫茫
覓同調心向何方傾塊然
夢中山月黑天無聲不知植
體弱遂欲千里行回翔舞
衣動哀歌為生平

天空鴻雁鳴梁稻從誰謀
蕭蕭江上蘆浩蕩慙馴鷗
曉氣白如練微風東來收
遂覺寒日光照見漁郎愁
人生總飄泊涉險何足憂
至性既融結聊任形骸遊
文章所弗尚羈孤同淹留
况彼浮世名嘯傲吾何求

寶劍輕贈人爾手亦何拙
不能自適用干將轉磨滅
客從燕市來髮短血猶熱
見我指頭顱與世痛無別
由來成功難未易示奇節
慷慨塵埃中鉛刀不為劣
何必勞

吳鈞腰下自怡悅

壬子秋九月乞假南歸車中復讀二過仙傳
織穎種三可醜抑拉雜摧燒之而十餘年
蹤迹所繫仍置之中箱備遺忘耳他日
當擇各乘風友在另錄一通以為少作云

十月十四日海秋後於秦郵舟次

板未堅老詞未確實意未真摯情未
海艱采未騰躍積老不寡又常園道人
詩細按之詩中衍之言可媿可恨

十六日舟次仰伯又記

尚有堅實之作在六不遺十之一二

待固性情之事於可驗學奔走衣
官又汨沒於帖括故體勢雖成究
尙纖北待非獨讀書不多抑亦讀書
不為也 甲寅三月海秋記於任城旅次

讀書非為待也然待亦非多讀書不可
其能以多不能多讀書完其志未堅
確每閱其待極增不學之感 甲寅

不後去惟極於鍊修飾終非雅言必多俗
款 甲寅

拳峯館詞

白明 許宗衡 海秋

念奴嬌 南通州厲樓醉賦

酒人喜暮看寓樓一角烟中倚樹皓月驚鳥城堞上點
點向空飛去舊夢江山新愁書劍離別還風雨良宵不
易此時休說羈旅 須識熟讀離騷美人自古都為蛾
眉妬一曲霓裳輕入市高手琵琶曾誤如此頭顱向誰
肝膽十載依劉苦闌干倚遍醉來今日如許

一枝春

着甚閒愁但癡心坐過海棠時候簾陰窄地想到那回
分手傷懷不語避人立向屏風後可耐得今日鶯啼繞

來去年楊柳 惺忪昨宵夢怯被芭蕉碎雨驚回依舊
儂邊君側一樣擁衾孤守相思太苦怕相見各憐僂僂
先檢取帶熱中衣試他腰瘦

菩薩蠻

簾陰忽墮苔階上秋燈影與湘紋漾無語驀相思出門
揮淚時 金颺涼乍透誰念郎腰瘦砧響急遙天深閨
人未眠

又

那堪更說江南好江南落葉秋難掃歸去夢無由夢中
何處樓 昨宵魂恍惚親見窓前竹似聽閣釵聲醒來
蛩亂鳴

減字木蘭花

春屏花艷雲髻欹斜人午倦倦已多時夢苦難成有所
思 分明記得記得池邊攜手立睡着鴛鴦欲拍闌干
不許郎

秋千索

蘭蕤萎露蛩吟急剩孤朵西風欲折便擬簪來向鬢邊
怕負了單飛蝶 同心那用分明說記幽意丁香曾結
觸景愁伊也獨看且坐背花間月

念奴嬌

李小姐吹簫美人圖

烏鳥聲細把秋心吹得淒涼如此祇願歌成能一顧肯
惜唇邊手底可奈人間不同天上騎鳳隨簫史知音何

處那教弄玉歡喜 吾儕百感蒼茫難醫聾俗一洗箏
琶耳市上英雄堪痛哭不但卿卿而已將怨誰何莫傷
獨自幸御郎君李圖中且耐聽他鐵笛聲起

邁陂塘

自秋河柳絲黃後朱樓夢斷風雨那回簾底晨粧嬾鬢
影亂如愁緒分手去怕芳草天涯隔歲歌難度片帆何
處抵嫁蕭郎游踪不定一樣別離苦 還癡望後日雜
花生樹再來潮信休誤逆波遼海攔飛燕失却梁邊春
路人在否便悟透釵聲艷想仍無主孤懷誰語恐桃葉
飄零楊枝老大門巷冷烟互

洞仙歌

湘月 再題吹簫美人

指尖玉冷薦吹來嗚咽訝喉驚換被月猜詳似那夕廿
四橋頭風緩一息蘭絲雙聲檀板黯黯春煙遠無端灑
落淚痕染出斑管 堪奈碧海青天鳳皇臺上有千秋
幽怨不惜芳心便儘力十二時辰無倦何必銀箏可知
錦瑟愁長華年短漢宮人老宵深變作淒惋

真珠簾

和黃鐵盦同年咏菊

涼煙三徑秋如許看欹斜瘦影幾枝淒楚病雨愁風莫
道重陽夢苦不為黃金銷傲骨儘冷落孤芳如故延佇
笑無端春色雜花生樹 誰與此日同心肯高訝痛飲
籬邊尋去容易淡如君便相憐爾汝霜信連天陶令在

縱蕉萃有人能護何處把落英收拾替花作主

淡黃柳 蘇軾 春風輕暖日光柔

淡黃柳 蘇軾 春風輕暖日光柔

淡黃柳 蘇軾 春風輕暖日光柔

淡黃柳 蘇軾 春風輕暖日光柔

淡黃柳 蘇軾 春風輕暖日光柔

淡黃柳 蘇軾 春風輕暖日光柔

淡黃柳 蘇軾 春風輕暖日光柔

淡黃柳 蘇軾 春風輕暖日光柔

淡黃柳 蘇軾 春風輕暖日光柔

淡黃柳 蘇軾 春風輕暖日光柔

百宜嬌 秋日雨中與西澗飲湖舫

倚帽愁煙泊舟疑夢淒絕那知遊俊遠樹遮樓望中人
香落葉滿天殘恨誰從冷處尚記得湖山春影鷺孤蓬
點點秋聲與君宜醉休醒 空惆悵酒杯易暝雲色作
濃陰暮晴無準三月桃花一隄楊柳簫鼓當時曾聽荒
園廢塚怕此後鶯聲難問趁羈孤百感茫茫雨斜風整

湘月 佛會戲示馨甫

紙幡香裊惹生衣細摺回首嬌婉鳳弱鸞雛看步步摠
向屏山行緩側鬢迎鐙欵鬟讓月靜覺春魂軟湘波沈
黑那邊簾子深淺 堪奈佛鼓聲喧枯僧欲笑把環聲
遮斷悄拍孌肩泥燭影背立人叢嫌遠顧爾非真憐伊

是實獨誓天難管三升豆少墻陰那得鋪滿

小樓連苑

解

扇繪蒲萄枇杷菱角蘋果瓜梨譜為此

杯心波縹蒲萄香痕飛齒雙雙動可堪宵短可堪身瘦
可堪情重菱角難磨瓜期易負淚水初凍儘荒涼再過
枇杷門巷已苔沒鞦韆頭鳳道是筵前春寵戲分梨分
離愁共鸚哥鏡裏幾番催別酒闌春湧似此飄蘋如何
結果相思無用悔眼中曾見空花一葉一枝還夢

金縷曲題西湖釣遊圖

夢影都蕭瑟縹湖波六橋花落西風吹碧山遠如天涼
月小陡起離人悽憶若個在柳邊橫笛把釣心情真似
水悵游絲低約渾無力記一舸盪秋夕天涯老我青

袍色拓空明莫愁烟雨大江遙隔太息漁竿何處放羞
對蓼紅蘋白已負了春潮歸鷁莫道西泠風景好便南
朝也有鄉心逼思痛飲說懷臆

醉江月冬夜月下渡江

亂山沈睡任寒潮吐白大江東去豎子英雄何處也不見
旌旗樓櫓雁帶霜聲鷺團雪影俛仰成今古轉蓬近岸
蘆花折落如雨媿煞十載飄零鷄衣狗馬骯髒天涯
路祇有今宵烟水好可惜孤懷誰語西舫東船殘鐙冷
夜不解悲行旅大聲呼月此時知己惟汝

訴衷情寄雨嵐

秋宵涼月滿平樓鐙影曳風柔照見屋梁顏色殘夢不

勝愁 微歎息歎依劉摠依劉去年彈鋏君在荊州我
在幽州

又

黃金臺上立斜陽春草太荒荒醉後倒冠狂笑能作古
文章 青白眼遍干場閱干場萬人如海那有王郎獨
有王郎

又

憂端潮湧淚如波秋病欲成魔一夜水聲風影吹夢渡
黃河 天女笑似維摩異維摩欲逃禪去奈有親何況
有妻何

又

歸來癡蝶卧秋花驚夢尚風沙不道瀟湘波冷君正去
天涯 孤負了好年華趁年華各隨遭遇遊且離家病
且還家

又

荆襄形勢上游雄懷古坐當風一片夕陽城郭興廢感
無窮 敲鐵板唱江東下江東一帆如箭人在舟中詩
在囊中

又

江城梅落綠陰肥吹笛浪成圍是否夢先身到黃鶴夜
馱歸 榴實矣正垂垂看垂垂便登科也雕健秋飛燕
喜春飛

又

西風秋影白門前殘柳暮鴉天可憶故人元度應寄雁
頭牋消瘦極似癯仙奈癯仙不能飛去心在愁先夢
在人先

又

當年猶憶夜談遲殘月在花枝靜對一鐙如豆分粥共
甘時車笠語誓堅持既堅持不應疎也讀我新詞寄
我新詞

洞仙歌 憶雲詞

誰將春畫借筆端風片怯怯初驚夢兒遠怕杏衫低捲
摺破花痕翻愁把一縷香魂吹斷雲鬟高欲壓玉燕

又

釵梁感向雙蛾有誰管壁上舊琴弦海水天風尚隱約
音流淒怨問何事關心瘦俚烟記彈到孤鸞自憐嬌軟
花筵初見喜青溪名字姊妹春多第三妙便銷魂今夕
酒淺杯深佯醉也蓮漏聲聲防曉初番疑夢穩來日
方長錦瑟華年算難老秋閃玉蟲缸燈暗如烟已瞞過
此時低笑任寶帳迷金太模糊又牆外雞鳴歡悰易了

又

記曾媮視恰眉峯瘦削鈿翠微遮兩灣窄問幾時愁夢
着甚嬌癡已帶了異日傷離顏色采恩烟欲動鄉語
初聞隔坐春花悵瑤席淺笑倚猩屏樓外波涼早盪得

髻雲敝碧怎一語相思正團樂已屈指他年難忘今夕

又

澹妝無意借瓊幃鈎起越樣鮮妍宜髻鞦看裙邊春蝶
粉翅雙交佯遮住蓮瓣些些香裏為誰還背靨不向
妝臺故擲殘花任釵墮回手又彈箏柱柱絃生却變微
聲都入破怪小妹牽衣縱無言料此際商量心兒已安

又

真情疑幻恐夢邊天曉孤負今宵有心月待微吟團扇
畧道生平肯提說桃葉幾時雙楫樓陰低向水一雨
催人隔岸秋花蓉影折冷艷為誰添鏡裏芳華但悄立
黃昏淒切甚百歲懽情忍孤颿看江上風煙飛鴻輕別

仍字仍換起字

又

黃金臺下看春草如天落日荒荒甚情況便幾行淚點
一瓣心香已不是那日笙歌樓上文章休痛哭比似
佳人一例眉峯少新樣慘綠舊時春匹馬燕山已難保
鬢絲無恙悔約到荼蘼隔微塵又滿眼飛花風前孤賞

又

門前烏桕悵風枝露葉秋巷疎陰向東去是重來崔護
不見桃花等一霎夢裏春人何處華鐙悲柳角隔樹
紅樓那夜梳妝怨哥舞眼纈欲銷魂待嫁成名已算到
此番酸楚敢泛宅浮家隔天人間消息無方者般風雨

又

一瓣心

此字仍換起字

髻雲皺碧怎一語相思正團樂已屈指他年難忘今夕

又

澹妝無意借瓊幃鈎起越樣鮮妍宜髻鞦看裙邊春蝶
粉翅雙交佯遮住蓮瓣些些香裏為誰還背靨不向
妝臺故擲殘花任釵墮回手又彈箏柱柱絃生却變徵
聲都入破怪小妹牽衣縱無言料此際商量心兒已安

又

真情疑幻恐夢邊天曉孤負今宵有心月待微吟團扇
畧道生平肯提說桃葉幾時雙楫樓陰低向水一雨
催人隔岸秋花蓉影折冷艷為誰添鏡裏芳華但悄立
黃昏淒切甚百歲懽情忍孤颿看江上風煙飛鴻輕別

此字不換起字以

又

黃金臺下看春草如天落日荒荒甚情況便幾行淚點
一瓣心香已不是那日笙歌樓上文章休痛哭比似
佳人一例眉峯少新樣慘綠舊時春匹馬燕山已難保
鬢絲無恙悔約到荼蘼隔微塵又滿眼飛花風前孤賞

又

門前烏桕悵風枝露葉秋巷疎陰向東去是重來崔護
不見桃花等一霎夢裏春人何處華燈悲柳角隔樹
紅樓那夜梳妝怨哥舞眼纈欲銷魂待嫁成名已算到
此番酸楚敢泛宅浮家隔天人問消息無方者般風雨

又

一瓣心香の句似要換

飛瓊幻影惱罡風獵獵吹散霓裳舊時調任人間惆悵
 宿角星張漫厮守夢裏情天昏曉 中年愁逼近絲竹
 茫茫說甚飄零易衰老綺語太荒唐一綫斜陽看鬢影
 不宜歡笑且洗盞孤斟讀離騷有出格相思美人香草
 洞仙歌 梅伯有題桃花人面詞云鎖春魂一絲風
 一翦月一重門鳧盒愛之繪其意於扇時
 夷舶犯浙未靖故余既為鳧盒題句於揚
 州因憶梅伯於句東云
 烽烟海上斷故人消息幾載詞觴貯愁窄便翻伊舊譜
 不是桃花都變作一種傷心顏色 香痕摹畫手染綠
 渲紅省識春風未相隔夢裏浙東潮酒醒更殘空抵似
 潭深千尺妬懷袖輕携儘摩抄當芳草般看美人般憶

木蘭花慢 為鳧盒作

甚瑤華仙境嵌寶閣種名香背一角秋城幾灣春路車
 馬紛忙問誰玉鞭斜指認曇優地近是歡場似此風情
 易覓為伊月影難忘 宵涼携手辨昏黃鞋子鳳頭藏
 比凌波微步未嫌薄醉聊稱清狂從今幾番朝暮祇成
 名待嫁許商量戲語敢偷碧玉渴懷難乞瓊漿

又

惱匆匆唱別折疎柳對殘陽驀酒醒西風秋江如夢蓬
 底微霜飛瓊那能留影記芳名最稱玉温良無賴風懷
 靡麗有時雲意迷茫 端詳蘭露浥清香花葉總相當
 待何時却扇桃根種就一顛迎將鷗盟肯忘潮信笑萍
 踪撮合托文章得意高飛鵬鴉稱心穩睡鴛鴦

忘字換成字以

又

看登科有錄煩指爪織嫦娥料風前香影月中名字歡
喜同他敢道聘錢難賞祇黃姑小劫未銷磨便欲楊枝
種室忍教桃梗隨波如何門巷又重過相見換衣羅
聽東風玉樹尊前按拍舊日曾歌同心願君早結看衷
中錦字淚痕多一夜寒燈共影五更濃睡忘魔

又

似空桑三宿冒風雪又來過漸臘尾相尋春心欲許消
息如何芙蓉待開明鏡悵瓜期遞展照愁多一見一番
離恨一回一樣情魔蹉跎雙鯉不曾訛細馬未曾馱
算長安天上春花易落夢隔黃河舊約石心休轉肯懽
悵重疊負松蘿待古押衙來也燈前重按清歌

醉江月陰平道中

馬蹄蹀躞向葦塘東轉綠沈沈處卓午南風吹隴麥萬
疊黃雲遮路未解求田空思捧檄已是歸耕誤鞭聲棒
唱據鞍一歎而去媿煞席帽青袍十三四載好景番
番負漫笑旗亭留姓字祇有雙鬟能顧秋水文章春風
詞筆莫便才名妬啼鶯未老再來棲托宮樹

臺城路題荻傳襟痕集時荻傳以申翰入都

畫船輕翦桃花水艷入袖中詩本黃卷烏闌才人不負
一片湖山春影銷魂詞句便記取連番狂歌豪飲似爾
風流壻鄉聊且十年隱飽嘗此日櫻筍薦豐臺花事

教人牽引駿馬如烟嬌鶯趁雨舊夢宣南未醒高吟紅
藥有鸞掖文章不愁官冷君尚何言我懷應共省

念奴嬌



李香君小像為鐵盒同年題

江山殘局歎春鐙影裏佳人有識自誓琵琶歌不再淒
絕桃花顏色公子名高中郎行薄贈語黃金值王將軍
者蹇修那說無力 可惜雪苑聲華遂初虛賦一第翻
輕得重着舞衣傷世變何似山中岑寂四憶傳詩三生
負約已是前言食愴然玉貌莫懸壯悔堂惻

德初名一可存者不泯音律直信文可

壬子十月十四日

海秋



卷之五